

清

史

稿

清史稿

列傳

忠義四

張錫嶠

周玉衡

王本梧 陳宗元

徐榮

許上達等

朱鈞

錢良龍 徐甘庚

黃輔相

鄒格等

徐曉峯

孔昭慈

袁績懋

楊夢巖

鄧子垣

董立

侯雲登

黃鼎

陳源兗

瑞春

鄒賡黃巴 許承岳

周鑑芳

廖宗元

劉體舒

李秉衡 等

李保衡

錢良龍等

褚汝航

高年新
馬雲

儲玖躬

李杏春

朱善寶

莊裕崧

高年新
馬雲

張錫嶸字敬堂安徽靈璧人咸豐三年進士選庶吉士四年安徽巡撫袁甲三奏請總辦靈璧團練授編修記名御史十年命視學滇南時回匪作亂府縣多爲賊踞或勤乞疾錫嶸毅然曰吾奉命之官寧避賊耶叱駁不顧竟到滇省城被圍幫辦防務以丁母憂回籍曾國藩之征捻也駐軍臨淮所部湘勇遣撤殆盡僅存劉松山老湘營萬人餘悉倚淮軍辦賊淮軍新建平吳功將領多自矜國藩欲於淮北別募新營使異軍蒼頭特起備西北之用而置將久難其選值錫嶸服闋來謁國藩大喜密疏奏保治軍添上謂其誦法儒先堅忍耐苦足勝將帥之任檄募敬字三營隨湘軍戰守時湖團有通捻者國藩下令遷徙錫嶸分別良莠聯絡義奸又以災賑日行泥淖中圩民得蘇捻寇張總愚竄陝西國藩調劉松山軍赴援令錫嶸統三營與俱至則解西安圍復與賊戰于城西兩

花榮獨率百餘人衝擊陷入賊陳被十餘創而殞時同治六年正月初六日贈侍講學士賞世職初錫嶸居京時日鈔書數十紙雖盛暑不輟祿薄日常一餐無一介乞助於人著有孝經章句讀朱子就正錄孝經問答行于世陝西巡撫劉蓉奏錫嶸死事言自到管以來嘗著草履與士卒同甘苦文學之臣能堅苦自奮如此臣實惜之家極寒國藩賄三千金養其孤漕運總督吳棠刻其遺書王東槐字蔭之山東縣人生穎異父病危命飢寒母廢學居喪哀毀母以遺言勉之乃忍痛致力羣經屢空日與昆弟食一餅道光十八年聯捷進士改翰林散館授檢討二十四年轉江西道監察御史奏劾山東玩盜官吏得實升戶科給事中時議開礦益帑藏已允行東槐敬陳列聖封禁成訓謂開採者上非良吏下非良民請緩其令事竟寢巡視北城王府役車橫行中憲懲治不貸廉獲巨猾曹七治如律三十年應文宗登極求言詔奏言捐例一開鹽商輒請捐數十萬逋庫摺發分年扣還覈其虧短都不堪問即如道光二十年兩淮清查案內欠至四千三百餘萬是鹽商捐輸者掩耳盜鈴之術也又官員捐輸見任

居多所捐之項即庫款所虧之項即捐款上年山東虧至一百四十餘萬江浙更甚是見任官之捐輸剜肉補瘡之術也是事例不停庫虧不止若開礦之舉臣曾疏陳不便順天已停而湘贛等省試辦驚擾百姓利害莫測則尤愈趨愈下也查戶部歲入之數四千四百餘萬歲出之數三千九百餘萬經費本自餘裕督撫整理有方寇盜不作則耗財者去一邊防慎守無生事以挑外患則耗財者又去一河防得要長流順軌不使更添別款則耗財者又去一州縣之官斥貪墨重清廉陋規力裁流攤永禁則耗財者又去一去此四害而又罷不急之工減無益之費量入爲出而財患不足者未之有也奉諭貴州仍令開採餘省著督撫確查果不便民即奏停止左都御史王廣蔭舉東槐忠願升內閣侍讀學士旋授湖南衡州知府陛辭帝而諭云汝樸誠故任外事未至升福建興泉永道廈門濱海俗又敵東槐刊朱子試吏泉州漳勸俗文揭於衙傳誦多感發風縣蠶役訟師嚴鋤治惟與學舍生徒講析道義則溫然以和海上番估好違約放恣東槐戒母踰尺寸爲國全大體尤人所難咸豐元年調湖北鹽法道未

赴署福建按察使舉行保甲法竭八晝夜剖汀州瓦計之訟觀歷南台閩安各海口相度形勢於夷船往來之處設卡樓築礮臺資防守並令澳嶼漁戶盡編保甲以清盜源二年抵鹽法道任捐備軍需優叙粵匪犯湖南省城調防岳州躬勵將帥夜不解衣臥勦臨湘縣土匪獲首逆楊兆勝等復奉調防蒲通丁母憂奪情留武昌提督博勒恭武棄岳州東槐請於巡撫常大淳全調城外兵勇亟發庫藏勵士氣尙可嬰城固守巡撫咨賞不能用城陷東槐偕妻蕭氏對縊死之其女投井死卹世職諡文直子四均賜舉人同與此難者湖北按察使曹琳堅江蘇吳縣人豪於詩道光十二年進士改庶吉士散館授主事官科道時鴻治妖道薛執中江蘇巡撫創議南漕改折上疏力言其不便事遂寢漢黃德道延志武昌縣知縣何開泰延志瓜爾佳氏滿洲正紅旗人何開泰字梅生安徽鳳陽人道光三十年進士

周玉衡字器之湖北荊門州人本鍾祥王氏依外祖周遂從姓焉嘉慶十二年舉人道光四年大挑知縣發江西署會昌龍泉大庾除龍南調贛縣又署甯都

新建遷義甯知州湖北崇陽土匪滋事以協防功擢知府二十五年授南康調
贛州咸豐元年粵匪起又以防守毗連粵境地方功進道員二年授吉南贛寧
道時廣東土匪竄始興玉衡飭守備任士魁等協勦殲擒甚夥三年勦泰和竄
匪失利坐褫職留任以克復萬安泰和搜捕龍泉等處餘匪援勦廣東南雄韶
州勞復職五年擢按察使總理吉安軍務時粵匪由湘入贛連陷郡邑玉衡子
江寧布政司理問恩慶適奉差至遂捐資募勇率恩慶領兵三千餘分路進剿
先後復安福分宜攻萬載賊衆二萬拒官軍玉衡身先士卒奮勇屢戰恩慶繼
之斬馘無數克萬載軍威大振賊由間道竄吉安急率兵馳救屢數十戰斬馘
數千賊圍城月餘糧盡死守援不至地雷發城陷猶巷戰手刃數賊死之恩慶
亦遇害玉衡起家牧令長驅斷勤組捕有循聲及身在戎行與士卒同甘苦故
人思效命卒年六十有六詔視布政使例賜卹諡貞恪賞世職祠祀吉南贛三
府子恩慶贈知州銜賞世職詔祀荆門穆宗御極追念殉難諸臣各賜祭一壇
玉衡與焉玉衡第四子炎知府勦匪泰和陣亡贈太僕寺卿亦賞世職祠祀王本梧

字鳳棲浙江鄞縣人道光六年山拔貢朝考用七品小京官分兵部進主事遷員外郎充軍機章京擢河南道監察御史奏言各省州縣設常平倉出陳易新備民間水旱之用近年州縣乘出借名色任意侵蝕新舊交代捏造冊籍非以無爲有即折銀代穀設遇荒歉倉無顆粒本年江西湖北被水皇上恩膏立沛共撥銀百數十萬兩省州縣未聞有發動倉穀賑濟之處若非州縣蒙蔽轉報掩飾虧空何至臨事束手請敕督撫將所屬倉儲若干盤查足額有缺照數買補直隸山東河南等省本年秋收豐稔常平倉穀正可及時採買民間村鄉有願立義倉者地方官爲倡捐曉諭紳士踴躍樂輸不必官爲辦理致胥吏之擾允行尋掌京畿道疏陳水師營務廢弛請飭海疆督撫留意人材力加整頓條列六事曰戰船宜堅固戰具宜精良將弁宜激勵兵丁宜振作海岸宜防守商船宜護送帝納其言俸滿裁取知府咸豐元年授江西吉安府時吉安戒嚴飭屬團練爲備郴州陷賊氛逼籌防益力三年賊竄撲南昌本梧率兵馳援七月泰和匪起聞警折回偕鎮南道周玉衡先後赴勦行抵倉背嶺賊直撲吉安本

梧退保郡城坐褫職留任賊攻城急本梧激厲兵勇登陴固守相持五晝夜賊
虜集城外肆焚掠本梧憤甚身先士卒出城迎擊斃賊百餘俘十餘人守備岳
殿卿擁兵城內不援中賊計兵潰勢孤力竭猶手刃數賊死之贈道銜賞世職
祠祀吉安陳宗元字保之江蘇吳江人道光十三年進士吏部主事歷郎中咸
豐二年俸滿用知府三年記名以道府用授江西吉安府吉安當往來之衝先
嘗被陷宗元至彊吏以西南保障委之五年九月粵匪陷永新安福圍犯吉安
宗元力籌堵勦會按察使周玉衡率兵至遂同克復二縣賊竄逸十一月賊自
袁州臨江回竄別隊更自泰和來犯號稱五六萬城中練勇及玉衡所部僅千
人紳民大懼宗元慰勉之分兵守要隘越六日賊至撲城宗元然礮轟之賊少
却知無外援築長圍日夜攻撲宗元語玉衡及諸僚佐曰事急矣非戰無以爲
守曾夜風雨大作開城出擊毀賊營數座殺千人奪旗幟無算賊恨之攻益力
屢用梯衝地道俱不得逞相持半月城中糧且盡宗元周巡慰勞勉以大義婦
孺咸憤有泣者十二月宗元出與賊戰身被數創血至足屹不爲動城有闕口

宗元督勇填壕行少疾失足自雉堞顛折左股慘創復上若無所苦遣使問道
赴省告急先後十八次並繪援兵繞道地圖卒不應六年正月逆首石達開遣
納內應之賊宗元屏左右面與約縱之翌日賊果逼東門而宗元命發空槍賊
遂放膽竝附城下宗元突鳴鼓角槍彈矢石併下賊不及退死四五千人越兩
日賊復大至宗元偕玉衡及僚佐分門禦之方馳至東門指揮城守而西城地
雷發裂數丈賊遂擁入玉衡被戕城陷宗元率子世濟揮刀巷戰與吉安通判
王保庸廬陵知縣楊曉昀等同時遇害賊銜宗元深割宗元父子首懸東門城
樓計與賊相持者六十五日其族父陳鉉姻親周以衡幕友李鴻鈞朱芬朱華
楊福巴葉廷樸蔣志濱及家丁王杞王慶並兵勇等四十餘人俱殉焉宗元照
道員例賜卹予諡武烈世濟監生城陷之前宗元遣赴省屬曰此間旦晚不保
汝得我問卽奉母挈弟妹歸奉大母俱死無益世濟既受命已而復返城城閉
不得入繞城號哭乃縋而登之自此寸步不離父側遇難時年二十一

明善字韞田富察氏滿洲鑲藍旗人父昌宜泰河南開封知府以溶賈魯河有

功於民祀名宦祠明善由筆帖式歷步軍統領郎中道光中出爲湖北荊州知府輸金修萬城隄繼水災沿江郡縣皆患潦荊州獨以隄固得安衆皆德之尋調武昌咸豐二年粵寇至登陴助防守勢不支城陷率衆巷戰死卹如制妾葉聞訃自經死覺羅豫立字粒民隸滿洲鑲藍旗由戶部筆帖式厯員外郎道光二十九年出爲江蘇鎮江知府寬惠有恩尤重甄拔人才每遇府試及課書院日坐堂皇手自甲乙至夜不輟所取多知名士咸豐三年以失守府城褫職仍留治軍需七年克鎮江復原官十年浙江巡撫王有齡調總糧臺十一年賊攻省城豫立偕府縣官籌戰守城垂陷豫立督親軍開城決戰刃及其膚屹立不動悍賊以礮擊之中額死閩浙總督左宗棠奏請優卹並祀昭忠祠豫立工書善行草嘗集顏真卿多寶塔字作詩數十首勒石論者謂其人其字皆無愧真卿云世焜字顯侯佚其氏滿洲正白旗人初任江蘇常州知府以愛民稱咸豐四年調揚州當賊亂後市井蕭然世顯至辟草萊招流亡還定安集之民氣少蘇官廨已毀借蔣氏園頽其廳事曰三十六桂軒而爲之記曰百物凋殘此桂

獨盛願吾民復蘇欣欣向榮亦如此也明年賊復渡江至世焜知城不能守誓死不去率鄉兵二百人登城城破巷戰被執勸之降世焜給以先釋難民然後可俟民去遠遠自刎死

徐榮字鐵生漢軍正黃旗人廣州駐防道光十六年進士以知縣發浙江歷權遂昌嘉興等縣杭州理事同知授臨安升玉環廳同知保知府權溫州府事招降洋盜莊通等二百餘人授紹興府咸豐三年調杭州並護杭嘉湖道創議海運章程時臨安昌化於潛土匪趙四喜等謀不軌榮督兵勦滅之四年粵匪竄徽州浙撫黃宗漢以皖南新隸浙江中旨亦有保徽即以保浙爲言奏派榮督辦徽防榮扶疾至防親至箬嶺開濠遏賊增設天心洞防勇七月勦賊檣根嶺斃賊二百餘名隨諸將克建德東流兩縣復敗賊堯渡十一月移駐祁門偏諭居民圍練設防共相保衛以糧運難繼撤兵回浙安徽學政沈祖懋以徽防緊要奏請留辦五年正月升福建汀漳龍道先是粵匪沿江上竄由石埭之流離霧露兩嶺分竄羊棲嶺入踞黟縣時榮尙未赴任即率師往漁亭防勦二月連

敗賊殲二百餘嗣賊衆紛至援兵未集榮率其子廉善與署嚴州同知裕英等出戰身受刀矛重傷歿於陣年六十有四用正三品例賜卹於漁亭建專祠以同時殉難之都司許上達歙縣知縣廉驥元候補按察司知事張顥濬及陣亡各員弁附祀妾伍迎喪回寓殉難亦予旌表榮律已甚嚴恒以行無悔事讀有用書二語自勗守杭時以時局多警命鑿井署中語家人曰此即古人止水亭也有變吾卽死此卒踐其言以勦賊而亡

郭沛霖字仲馨湖北蕲水人少年即以經濟自負道光十六年進士改翰林授編修累遷左贊善記名道府用官翰詹時講求河務時各衙門保送河工人員沛霖與焉既抵工諮詢詳盡謂治河宜識土性宜合者合宜分者分因勢利導則不爲害而爲利檄管豐工兼引河工程昕夕在工與弁卒雜作凡占數之增減鬆綫之尺寸極微極瑣之事無不斟酌至當力主引河寬深俾掣大溜潛下游安東二塘雲梯關老鶴河等處先修決口上下之險工全啟各開洞以分水勢緩進占緩合龍以期步步追壓到底爲一勞永逸之計議不盡用咸豐二年

以道員留南河尋署兩淮鹽運使授江蘇淮揚道仍兼署鹽運使時淮南引鹽
道梗鹽場尙完善詔兩江總督怡良飭沛霖移駐通泰適中之地悉心經營沛
霖遂駐泰州督銷引鹽六年賊再陷揚州泰州戒嚴沛霖募勇五百集城鄉團
勇二萬督屬籌防建議請江蘇布政使雷以誠移駐灣頭防賊北竄幫辦軍務
詹事府少詹事翁同書移駐瓦窯鋪爲自守有餘進攻亦便之策揚城旋復淮
南旱沛霖請留淮北折價泊畫提甲寅綱協貼撫恤各場招徠殷戶殷廳赴盱
眙等處買米麥平糶七年奏派督辦裏下河七州縣及通海二州團練時江陰
靖江水勇經費無出有議設卡江北各港令自行抽釐者沛霖力陳其弊事遂
寢有以淮南稅課造報不實聞者詔毋庸署理運司令總督何桂清等查參以
新任未即至暫緩交卸先是淮南之旱也言者請堵八壩資灌溉命桂清等詳
查酌辦沛霖力言下河七州縣衆水所歸潦者其常旱者其偶上年東南數省
大旱下河盡涸此數十年一見不可以常理論也然如高寶兩邑近居迺河堤
下並未成災而田產稻米猶能以其餘接濟鄰境咸豐三年前大臣琦善統兵

至揚盡斂八塙餘悉緩堵以爲設險禦防之計是年十一月揚州東路兵潰六年三月逆賊復陷揚州終不敢越灣頭萬福橋一步是未堵各塙足以扼賊之明效大驗今日賊氛未熄民力已殫與其糜無益之費以病民曷若留可守之險以防寇見在大兵環攻瓜鎮奔竄可虞正宜留八塙以扼逆賊北竄之路桂清據以覆奏詔從之桂清等旋以查明淮南稅課無以多報少情事上聞九月偕江寧布政使楊能格辦揚州東路團防自募勇千二百人駐仙女鎮與毛三元三岔河營策應十一月隨大軍克瓜洲鎮江桂清飭沛霖移駐揚州籌善後八年八月僞英王陳玉成攻陷浦口天長儀徵相繼陷賊大股徑趨揚州沛霖督衆迎勦力不足遂渡河至仙女鎮招集潰卒促援兵爲復城計適提督張國樑渡江來援沛霖率兵助之揚州尋復大臣德興阿劾沛霖先期逃避詔褫職查辦又以沛霖專辦揚州善後與尋常兼轄不同仍敇刑部擬罪嗣尤大臣勝保巡撫翁同書疏調准發安徽充定遠大營總文案捻逆數萬來攻偕知縣周佩濂堅城固守賊圍數日適已革副將盧又熊援兵至夾擊大捷九年六月捻

匪張漋又糾陳玉成衆數十萬再攻定遠沛霖分守小東門又熊以賊衆兵單
拔營去總兵惠成出戰不利沛霖督衆嚴守八晝夜十八日力懇回廬齋指血
書正大光明自盡六字於壁復乘馬出提刀巷戰賊四面縱火悍賊從後刺之
傷足墜馬陣亡事聞復原官卹世職尋愈定遠士民請建專祠沛霖服膺崑山
顧炎武之學兼通術數嘗言歲在甲子金陵當復并自知死難年月著有日知
堂集等書時同守定遠者爲候補知縣王培榮培榮湖北羅田人嘗在籍與舉
人熊五緯練團勦蕲水土匪五緯戰死培榮中二十七創不退卒復蕲水縣城
與沛霖同時殉難屍失家人即以從前所遺中創血衣葬之

朱鈞字被漁浙江海寧州人由廩貢生捐同知發江蘇歷辦海運出力獎擢知
府咸豐七年奏補蘇州府十年護理按察使時粵匪犯浙江吳中大震鈞募勇
團練嚴詰奸宄人心少定四月賊由常州猝逼蘇省鈞晝夜登陴誓以身殉而
外無援兵知事已去乃先令居民遷避城陷率衆巷戰身受數十創力竭投井
自盡卹贈太常寺卿給世職後以鈞在官多善政建祠蘇州把總錢貴陞元和

人故業織入貲竄名尺籍中檄守婁門賊破閭門入貴陞未知也遇二賊城濠尚衣冠詰之賊訶之降拔佩刀斫一賊賊拏至亂斫死從者什長張義同與於難時江蘇巡撫徐有壬既殉節其族弟名曾庚字裕齋道光舉人官工部來虜巡撫署建議請兵居城外民守城內有壬不能用城垂陷有壬促曾庚出避慨然曰兄能死忠弟獨不能死義耶况弟亦曾忝一官者耶自經死

蕭翰慶字黼臣湖南清泉人咸豐元年從都司徐大醇討賊廣西大醇死綏翰慶冒險扶櫬返三年侍郎曾國藩治水師翰慶投效營中屢敘至千總四年夏爭紅旛報岳州捷國藩奇其文雅詢爲讀書士改敘從九品以隨勦粵匪功屢擢至直州判七年武昌克復超晉知府隨提督楊載福等克九江鄂督官文疏留鄂省統帶龍坪以上至漢口水師九年正月會陸師援湖南時賊首石達開自江西道郴桂剛永州水師抵祁陽沿江皆賊壘翰慶躬入小河乘舢舨督戰平之總兵周寬世與賊戰長葉嶺水師夾擊之賊大敗詔以道員記名簡放十年浙撫羅遵殿奏調楚軍援浙翰慶與遵殿子忠祐有舊遂請行倉猝無現兵

得唐訓方舊部訓字營四千人益以降卒二千馳赴之抵皖而杭州已陷時左都御史張芾方治徽寧防務留翰慶辦賊攻石埭太平克之方進攻池州而常州促援乃分降卒圍池自帥訓字六營親兵三營行途次聞湖州被圍乃改援湖以湖州爲皖浙咽喉棄之則兩浙潰爛行抵禮義橋悍賊突出截橋戰勝之日暮大雨所部持仗立風雨中平旦啟行距湖州四十里甫半賊大至且戰且進抵同心橋賊來愈衆圍數重參將吳修攷鄧茂先戰死翰慶血戰良久力竭死之年三十有四謚壯節

黃輔相字斗南貴筑人道光二十五年進士用知縣分廣西權陸川博白縣事以捕盜著能聲江南提督張國樑者原名嘉祥本盜魁也糾黨寇博白勢張甚輔相率練敗之獲其酋三十年擢橫州知州時南甯各州縣盜賊蠭起輔相招降數股以賊攻賊計走之巨盜王斌號九江三者與其弟九江四大舉入橫之陶圩輔相調剛勇會提督向榮合力兜擊擒九江三兄弟斬賊三千有奇博合圩附近十餘鄉賊蟻聚民多從逆者輔相聲言閲團召諸生閱麟書等語

之曰官不能除害是尸位也紳不能衛鄉是虛生也爾等豈無意乎因泣諸生皆泣誓殲賊咸豐元年二月輔相從十餘騎至那陽驛書等以剛勇八千一夕至圍陳山賊遁獨竹背倚高山卒死土攀藤下火其巢擒斬甚衆餘黨竄上石地險不利仰攻堅守困之賊糧盡突圍出追擊之先後殪賊數千初賊曾之降也輔相察其詐陽與羈縻至是陰遣諸生殺之橫境以安以出奇制勝擢直隸州知州旋授鎮安府知府五月賊糾衆撲州城虜集南岸輔相密令諸團分扼水陸要隘遣子韶年率練伏邨東夜半以火具自大道攻入別遣勁卒五百由小路抄襲賊奔潰斃無算餘匪躍入舟守者截而焚之悍賊數千無漏網者橫州肅清賞花翎並賞韶年六品翎頂十二月改權南寧兼權左江道二年春艇匪自梧州連陷桂平貴縣圍犯左江輔相率四百人馳抵橫州斬其先鋒賊震懾不敢入境勇目潘其泰與土賊有隙賊假殺其泰名攻南寧輔相堅守百五十日城中糧垂盡毀銅錫器爲礮子力戰圍解四年秋權右江道以巡撫勞崇光薦進道員五年廣東賊李文茂圍潯州犯武宣署知縣朱爾輔以潯灘爲北

河要隘自督兵屯守乞濟師崇光檄輔相統水師駐武宣之碧灘與澬灘犄角
賊分水陸來撲迎戰屢勝艇賊何松亭率黨就撫八月文茂陷潯州屢攻澬灘
擊退之六年二月以餉絕撤澬灘防兵賊趨至糧盡援絕勢岌岌輔相連牒布
政使乞餉不報復遣書桂林守李承恩渥陳四難四易使聞於巡撫有力竭心
殫惟以一死報國之語未幾兵士果以饑譁賊黨潛結土匪內應開城納賊輔
相督外委吳錦蘭等巷戰格殺數十人賊乘夜冒雨大至署潯州營副將福格
暨錦蘭皆死之輔相受創被執絕粒罵賊仰藥死賊棄屍於江輔相才略足辦
賊時有旨調引見而殉雖事聞賜卹如例

孔昭慈字雲鶴山東曲阜人至聖七十一代裔孫道光十五年進士改庶吉士
散館授廣東饒平縣知縣憂歸服闋發福建署莆田沙縣攝興化通判授古田
縣二十八年調閩縣進邵武同知移臺灣鹿港時南北匪徒洪恭等陷鳳山知
縣王廷幹高鴻飛相繼死郡城岌岌不保昭慈聞警航海赴援協力守禦殲擒
甚衆四年擢臺灣府知府督捕餘孽次第蕩平進道員備兵臺澎加按察使銜

兼督學政以助餉加二品銜在臺五年威信大著外裔內番悉畏服同治元年彰化亂民戴萬生等糾衆結會謀亂昭慈慎知督兵馳抵彰化部署未定變起倉卒城陷巷戰力竭不支殉節文廟先聖前昭慈爲政興利剔弊不遺餘力莆田俗好鬪推誠諭禁勸以懲忿保身治正兜不少貸民憚法罷歸邑多孔氏寄籍爲佃立義學沙縣土利藝茶少耕植遊民競逐末暇則事懷奪爲拔茶禁之而農桑始興至今利賴所至停采買革津貼捐粟平糶多損己益民尤愛才重林文察材略白其復父讐可宥而薦之殺賊立功官至提督治盜嚴明誅止其魁盜之良者或重其賢而避之歿後匪爲歛殯歸喪愧歎曰吾輩負孔使君矣卒年六十八卽世職謚剛介於立功地方建祠

徐曉峯江蘇東臺人初由供事隨工部侍郎呂賢基勑辦安徽撫匪獎六品頂帶旋署蒙城縣知縣有惠政時潁州府捻氛不靖給事中袁甲三檄曉峯勑辦先後獲其酋馬文俊鄧大俊馬在龍馬九陳建中等餘匪屬聚阜亳交界復擒捻首李致文於陣斬匪濱河匪衆鳬水來撲曉峯領隊堵截賊破從馬腹過馬

驚蹶頸背皆傷復上馬截擊賊渡河者殲焉粵匪撲潁州府城甲三復檄曉峯
赴援禦之南岸河上殲匪燐船匪於滁州駐馬河營爲久踞計曉峯改裝潛
探隨按察使恩錫分三路進剿燐賊營三座竄林母圩復偕都司劉鶴翔等勦
敗之又隨蘆鳳道張光第追勦粵匪於高旺街賊潰追敗之烏江賊分隊襲後
路於大雨中麾衆痛擊擒僞司馬等五人匪由江寧鎮下竄陣斬僞佑天侯富
姓僞右丞尉張盛林等七年亳州捻匪劉老淵等竄擾李八莊等處曉峯督
兵攻剿斃賊百餘生擒三十餘人攻破宗圩匪巢鄧圩賊內訌被脅男婦閉門
乞命縛匪首李寅悍賊劉破頭等三十五人姚圩賊二百餘人亦降遂平兩圩
著名巨賊悉數就誅王圩捻匪復踞河抗拒曉峯乘夜進攻難民內應遂擒匪
首王紹堂乘勝收復東面七圩宿州以南一律肅清五六年間曉峯於勦辦捻
粵各匪戰功獨著由知縣歷保知府至是擢道員記名簡放旋授福建汀漳龍
道同治元年赴任三年二月檄署按察使督全省軍務守延平粵匪餘孽竄粵
閩防嚴七月還漳州道任賊復由粵竄閩守漳者僅練勇一百五十人賊遂勾

結土匪攻城無備無援九月十四日城陷曉峯被執死之妻王氏聞城破知曉峯必死先絞其女亦自經卹贈內閣學士銜給騎都尉世職復以曉峯從戎豫皖由軍功洩升監司自軍營回任甫及旬餘倉猝被害最爲慘烈妻女皆以身殉忠孝節烈萃於一門褒之於死所建專祠曉峯初從甲三軍與馬新貽同幕新貽謂曉峯殺氣滿面目光灼灼射人終當以義烈見及被賊執備受凌虐叱跪不跪勸降不降書其禁錮壁間有云壯志未酬君恩莫補取義成仁臣心千古又絕命辭二章尋予說剛毅

袁績懋字厚安順天宛平人原籍江蘇陽湖父俊道光九年進士官河南知縣續懋道光二十七年進士以一甲二名授編修散館改主事分刑部旋丁父艱服闋援例以道員赴閩時漳泉初下好事者欲多殺以邀功而清查叛產尤多誣陷人心洶洶將復叛總督慶端檄續懋往治其事至則集衆於庭取叛冊焚之脅從者皆獲免人情大安皆曰使君活我事竣委赴延平府會辦軍事即令署延建邵道寧匪時竄邵武勢張甚續懋親督軍士夜撲賊營賊驚潰追斬悼

曾數名賊大憤鳩衆出儉道陡截之我軍既寡又軍實未備戰不支乃退守順昌防軍僅數百名相持月餘有勸之棄順昌守延平者績懋以順昌爲省垣屏蔽順昌不守則賊長驅直逼省城大勢去矣且數萬生靈視我進退爲存亡敢輕去耶於是守益堅賊不得逞乃潛隧城竇火藥地道發城陷賊鑑擁進績懋知事去躬率死士戰西門連刃數賊賊以騎突之仆地引刀自殺刺不及賊執而去刃亂下醢而死時咸豐八年九月十二日也事聞優卹贈按察使入祀京師及陣亡地方昭忠祠世襲騎都尉嗣常州順昌奉特旨建專祠追諡文節子學昌官至湖南提法使績懋性通敏書過目輒成誦號稱淹雅著有諸經質疑十二卷通鑑正誤十卷漢碑篆額考異二卷味梅齋詩草四卷

楊夢巖湖南鳳凰廳人諸生入田興恕幕咸豐六年興恕率虎威軍援江西勇果名天下夢巖質贊助之累功由縣丞擢同知興恕奉命援黔以夢巖綜理營務時苗酋楊龍臺煽惑諸苗出沒不時以思南石阡爲尤甚夢巖與田興奇沈宏富等焚勦之會夢巖督保道員遂自領一軍扼守思南同治元年正月石阡

賊來攻與副將吳通才犄角扼守會援至賊敗走二月夢巖帥師次浮橋賊分道來攻通才戰死夢巖奮臂大呼持矛入賊陣刺殺數人身受十九傷力竭死之照布政使例賜卹於思南及原籍建專祠

鄧子垣字星階湖南新寧人咸豐初以諸生從同邑劉長佑勦賊江西臨江撫州新城與湖南永州寶慶皆有功累保知縣石達開走貴州竄廣西還窺義寧子垣與參將江忠朝自武岡趨扼全州爲東安零陵等屬屏蔽賊由靈川渡河竄楊梅坪又偕忠朝壁界首賊掠道州永明江華而東自藍山趨桂陽宜章又從江忠義轉戰數百里殺賊殆逾萬忠義病歸子垣與忠朝代領其衆十一年貴州銅仁石阡思州松桃天柱邛水賊窺湖南檄子垣赴黔會勦同治元年屢破之曾知府復檄援廣西攻桂嶺賊巢環擊三時毀其礮臺禽斬甚衆賊黨廖永賢懼願輸誠爲內應官軍分薄內濠擲火焚燒永賢開西關納軍遂克桂嶺要隘進擣蓮塘賊壘逆首張高友陳士養恃險抗拒懸重賞募死士潛由內貨

村僻徑捫蘿攀葛出賊背破其西柵翼日復進攻悍賊由山澗奪路奔督軍截擊斬張陳兩賊禽殲及墜巖死者無算餘衆乞降蓮塘平以道員儘先選用三年粵賊竄江西陷新城子垣會諸軍破走之新城復巡撫沈葆楨以捷聞命以道員留江西時賊分踞金谿東鄉宜黃崇仁南豐各城而崇仁之賊尤悍增壘城外爲負嵎計子垣張兩翼橫衝之城外賊潰竄潘樞秀才埠城賊出犯再擊敗之直逼崇仁城下賊衆惶黨許潛遙爲聲援提督鮑超破之子垣乘勢復崇仁賜勇號五年冬率精捷營助勦貴州苗匪駐軍邛水會攻頗洞老巢寨頭苗黨數萬來援逆擊敗之徑擣頗洞山高寨險不能下迷趨捷精勇擣渠輸嶺入巢縱火自督軍登山猛攻斃苗數千山谷皆平遂克頗洞疊破甘林杉木等屯由記名嚴直趨茂林坡盡毀碉卡追擊至傳水寨藉其巢黎平靖州肅清以糧運不繼壁清溪時按察使黃潤昌率軍來會分餉喻之約進攻八年正月破文德關兩路口各墮師益進合攻鎮遠府衛兩城克之連破牙溪田壩黃蠻坡等三十餘屯潤昌欲乘勝由東路疾攻命營務處羅萱偕子垣馳謁布政使席寶

田請濟師寶田遣提督榮維善助之三月進規施秉逆酋包大壯據巢死守力戰斃苗千餘拔施秉復破白洗等寨進圖黃平黃平州湏黔孔道也獨兵援黔輒爲所阻潤昌議通此道時維善軍戰久疲請休息萱亦以苗衆道險勸留屯潤昌不可師遂進道出黃飄山中伏子垣盡決數十次地險不能出中蹶死之諸軍皆敗語具榮維善黃潤昌傳優詔賜郵原籍及死事地方建專祠諡壯毅羅萱字伯宜湖南湘潭人父汝懷正江學訓導著有湖南襄忠錄萱少警悟工詩善書弱冠爲諸生總督賀長齡教諭鄧顯鶴咸器之咸豐元年粵賊犯湖南萱倡鄉團習技擊四年曾國藩帥水師東下辟掌舊記始書極推重從克武漢田家鎮敘訓導國藩進圖九江水師失利萱僅以身免國藩重整水師屯南康皆策馬相從調護諸將各當其意六年石達開陷瑞臨袁吉撫建諸郡省垣孤懸萱從國藩單舸赴南昌達開稍引去國藩檄萱領江軍三千人攻建昌復檄助攻撫州合攻瑞州破沿途賊卡擊走靖安奉新守隘賊當是時城賊數萬日伺隙九江賊復率二萬來援萱與劉騰鴻等堅壘嚴陳以待八戰皆捷江西軍

始振論功擢知縣騰鴻喜攻堅蕡引孫子書戒之不聽騰鴻克瑞竟以創死假歸湘撫駱秉章檄治團練粵撫郭嵩燾屬創水師皆不旬久留自以文士不欲棄科舉屢應省試卒不遇益肆力於學尋與知府劉德謙領威信軍防郴會霆軍叛勇掠茶攸間蕡與德謙敗之遁入粵進屯樂昌當事命增募一營號威震軍賊平累功晉同知按察使黃潤昌奉檄統萬人援黔潤昌與蕡同邑邀與俱薦綜文案兼營務處每晝出領隊夜歸削牘以克鎮遠府衛二城功遷知府進規施秉連戰皆捷黃平之敗與文武將領十八人同死之卹贈太常寺卿附祀黃潤昌祠蕡性澹泊從軍十數年不圖仕進而耽學弗倦著有儀鄭堂文箋注二卷粵游日記一卷蓼花齋詩詞四卷

侯雲登河南商邱人道光二十一年進士由內閣中書洩升刑部郎中咸豐六年補江南道監察御史奏言皖豫接壤向有捻匪自粵匪北竄蒙毫捻匪乘之鑿起捻首張落刑更勾結蘇添福等合爲一股所過荼毒蒙毫迤北歸德以東數百里幾無人煙一誤於張維翰而永夏受困馬牧被焚再誤於武隆額而賊

擾掠歸陳武隆額雖撤歸巡撫英桂調遣並張維翰迄今未聞撤參且其營勇
多雜匪類今邱聯恩軍亦潰敗歸德決河未堵防備綦難儻捻匪踰河而北旬
結東省災民其患甚大查匪逾十萬擾及四省惟賴兵力兜勦而調集需時莫
若以勇濟兵請於皖浙蘇魯接壤之區設立勇營簡員督辦本年二月間命已
革左副都御史袁甲三隨同英桂剿辦捻匪請即加以卿銜責令募勇其於勸
約鄉團捐辦勇糧必能悉心籌畫次第舉行擬辦法四條一酌保文武勸懲悉
照軍營之法一審度地勢擇要安營與官兵互相策應遇賊北竄一急籌糧餉
請先由糧臺撥給並四省就近州縣動項奏撥仍勸捐以資接濟一明定賞罰
認貢訓練以嚴紀律等語疏入朝廷頗題其議九年掌京畿道事務授給事中
又言捻匪蹂豫境二十餘州縣仍分股四出焚掠擾及直東邊境雖有關保
博崇武等軍兵力過單馬隊未能精壯儻賊再蔓延非獨豫省全局不保直東
亦防不及防救急之法惟有直東兩省防兵併力進剿並請催副都統巴揚阿
將所帶馬隊赴豫與關保合軍剿辦並請令副都統德楞額統軍由歸德探賊

剿擊必可制勝再東明長垣已無匪蹤請令直督將所派東明長垣之兵出境協勦以壯聲威豫省肅清直東南路不待設防均可無虞矣十年授甘肅寧夏道同治元年陝回倡亂靈州被圍佐領富隆阿援軍戰失利雲登督兵勇進勦斬馘無算圍立解護督恩麟上其功加按察使銜賞花翎時寧夏令彭慶章屢請散團雲登以回性險詐止之恩麟檄雲登開城納降慶章暗爲回匪內應變猝起雲登率兵巷戰被執不屈死之子錫田同遇害

黃鼎字彝封四川崇慶州人以諸生倡辦團練同治元年粵匪犯敘永鼎率所部佐官軍擊破之敘功授敘諭二年復新寧松潘番亂總督駱秉章檄鼎募蜀中驍勇士得五百人爲獨軍彝字營會四川布政使劉蓉巡撫陝西檄鼎以所部從時粵寇擾漢中僞啟王梁成富據南鄭分兵陷諸州縣且東侵興安境鼎會陝軍分道討擊盡復諸城邑三年二月漢中土寇曹燦章召演賊藍朝柱自川北進犯陝南前鋒至松花坪將越秦嶺而北檄鼎率所部邀擊遇賊七里溝大破之轉戰八十餘里擒斬殆盡是役也鼎所將才千人破悍賊數萬號奇

捷朝柱黨悉平四月破燉章於八里坪獲之聚成富南寇襄樊不利引而北入興安境山南三郡悉戒嚴鼎聞警自漢中東援而賊已出山焚掠鄖縣遂度渭而北鼎率師沿渭追擊賊不得逞是時蜀寇西北犯階秦謀出山窺蘭陵秉章急召鼎屯畢口四年正月大會諸軍進師階州力戰抵城下督軍以地指敵城諸軍填壕樹梯而上斬燉爲昭武王蔡昌榮於陳賊乞降遂復階州十二月荅合諸軍三十餘營與捻首張總愚戰於溝橋鼎以所部橫貫賊陣殲斃甚衆會天大雪藥繩皆濕軍士僵凍賊突以萬騎穿湘軍陣統將蕭德揚兄弟三人皆戰死軍大潰鼎以千人憑原爲異軍湘軍既燬賊悉萃於鼎圍之數十重夜三鼓賊少疲鼎乃結圍陳騎兵居中步卒環外以矛護槍力戰突出擣晨賊傅城東關意鼎已沒忽睹彝字旗大驚鼎麾軍迎戰敗之賊始退是役也微鼎西安城幾危六年四月敗賊於大荔朝邑捻寇稍衰而叛回復熾犯鳳翔遊騎及省城西郊鼎移師進擊累破之斬燉元帥一賊東走據富平張家堡鼎追擊夜襲其壘斬燉無算賊由臨津南度渭覬入南山鼎悉力拒之賊不得西十月會諸軍

追賊至三原旋移援汧陽率步將章占雄徐占彪等先登陷陣大破賊黃里鋪追擊至五里坡又敗之七年賊竄甘肅之靈臺犯涇州西安迤西汧隴乾邠間無慮皆爲賊據鼎率所部爲遊擊軍隨賊上下相持數月大小數十戰累克堅巢甘賊與陝回合悉衆來犯鼎復大破之鼎以戰功由敎諭累擢至陝西道員賞二品頂戴兩賞巴圖魯勇號至是授陝西陝安道未之任八年回曾陳林等糾大衆來犯鼎率所部嚴陳以待賊不得進謀而走鼎追擊十數里涇慶賊悉平初鼎督涇州賑撫屯田廣爲招徠至是涇州得民屯十三萬畝有奇營屯五千有奇鎮原得民屯十三萬有奇平涼崇信各有差軍益饑富甘肅土寇張貴爲亂鼎一鼓平之左宗棠會諸軍進攻金積堡堡回酋馬化隆僞都也化隆遺將據固原抗大軍鼎大破之復其城賊走狄道河州復擊敗之捷聞賞內府珍物九年金積堡未下湘軍大將劉松山新戰歿軍事方棘宗棠檄召鼎會固原提督雷正綰赴援軍抵牛頭山山峽狹隘爲金積堡第一門戶賊恃爲天險鼎力攻拔之連下數十壘復攻馬家堡環圍三面缺其一設伏以待賊果由缺處

遁伏發賊大敗進傅金積堡盡毀附近小堡師集堡下晝夜環攻遂克之化隆父子伏誅餘黨悉平以功賞黃馬褂十三年移防陝北旋丁父憂詔奪情留軍中光緒二年六月部將湯秉勤以不給四川咨文之嫌突起刺之遂卒於軍鼎治軍素嚴在防所招集流亡開墾荒蕪脩濬堡渠興學課士得軍民心其屯軍漢中也曲阜孔廣銘落拓廢寺中鼎軍行經其寺觀廣銘題壁詩異之召與語叩所學大悅遂延入幕鼎軍所嚮有功半廣銘策也

陳源兗字岱雲湖南茶陵州人道光十八年進士改翰林授編修旋授江西吉安府先是源兗妻易氏以源兗遘疾幾殆顛天願以身代刲臂和藥飲源兗源兗以愈易氏旋病卒同鄉公舉孝婦請旌於朝源兗適召對宣宗垂詢及之遂有是命以迴避原籍調廣信母故去任服闋簡放安徽遺缺知府補池州咸豐三年粵匪自桐城竄撲廬州巡撫江忠源檄源兗赴廬協守賊架雲梯薄城而登源兗守大東門屢卻之賊復穴威武門爲隧道伏地雷官軍迎掘之尋水西門地雷發轟塌城垣數丈急搶築城卒完時陝甘總督舒興阿奉命統兵萬五

千人來援屢戰不利賊連日攻益急城中餉乏兵疲十二月賊復穴水西門隧道攻入源竟自東城馳救至則江忠源已戰歿遂赴文廟自經死先嘗與所親謁文廟徘徊庭樹謂事亟吾且死此以無負先師殺身成仁之訓蓋死志素定云

瑞春字慰農姓鄂濟氏蒙古正藍旗人由筆帖式洩升理藩院郎中軍機章京擢湖州府知府治尙寬平有瑞佛之稱湖城危急與副將鄂爾霍巴郡紳趙景賢激勵軍民嬰城固守景賢主湖郡鄉團多專擅瑞春無所忤嘗曰趙兵睢陽之儻我其爲許遠乎城陷西門火起朝服升堂賊至脅降大罵不屈被害母章佳氏及妻妾二子子婦皆死於難鄂爾霍巴字斐堂滿洲正白旗人起家侍衛出爲湖州協副將湖州初次解圍上守城功鄂爾霍巴以屬邑失守自効時論偉之倘糧久匱困甚以衣物質錢自給每圍急身出巡城而閉妻子於後堂外環火藥戒家人曰有不測即舉火無汚賊如是者屢矣及城陷在北城督戰策馬回署則賊已入廳事手燃火繩藥發閭家轟死時署烏程縣事者爲許承岳

承岳字柱山湖南甯鄉人由縣丞擢署縣事晉與瑞春死守千總熊得勝以搜米擾民涕泣阻之得勝開東門降賊承岳即騎馬歸署手刃二女自縊於官所妾錢氏從死潘錦芳湖州人城圍久趙景賢以江蘇巡撫駐軍上海作血書乞援募能犯圍出者錦芳時老病家亦賣酒小康獨激於義憤請行轍轉得達議以松江提督曾秉忠率水師絕太湖而西爲外內合攻計湖賈之在上海者且衆資鉅萬餉之行有日矣有尼之者中變錦芳流涕曰老夫出城時糧將罄矣兵一日兩粥民食草根樹皮空巷敝廬死亡枕藉其幸存者數老夫之行日暮待援懼不相及城外賊如麻登高叫呼兵則憑堞應答岌岌將爲變鄉人之賈於此者念在圍親屬其愁迫何如獨恨水師無翼而飛耳彼尼之者何不仁乎嗚呼吾不復見趙公矣抵案大呼嘔血以死

廖宗元字梓臣湖南甯鄉人道光二十年進士以知縣分浙江任仙居德清等縣有能名權歸安粵逆自廣德進窺湖州宗元建議湖州四面阻山有險足恃且城多富室粟芻無虞今甯廣雖潰營將田宗升楊國正皆宗元鄉人若給以

糗糧可使爲我固守知府從其言悉以防務屬之賊至出擊賊知有備引去會蘇常杭嘉諸府相繼陷賊復擾湖道員蕭翰慶陣亡宗元收其潰卒入城餉之明日出戰大捷賊敗走有以蜚語上聞者解任聽勘事得白會僞忠王李秀成陷金華處嚴諸府浙撫王有齡因檄宗元署紹興府時浦江義烏東陽皆不守紹興戒嚴既受篆議調外江礮船入內港勿爲賊有議設水柵以斷賊道請徵團防勇士入城均爲在籍團練大臣王履謙所阻九月宗元令營將何炳謙率水師出擊戰歿敗卒歸伍富紳張存浩等挾捐輸之嫌誣其通賊嚴傷宗元履謙置不問賊果由浦江入諸暨奪外江礮船渡臨浦陷蕭山以撲紹興履謙率姚勇走上虞有開門迎賊者城遂陷宗元朝服坐公堂罵賊不屈死之詔以宗元力籌防守嚴催富戶捐輸致被富紳張存浩等誣嚴旋復禦賊捐軀城亡與亡實屬大節凜然深堪嘉憫照知府例優議給卹並於死所祠祀以彰忠義給世職

劉體舒字雲巖雲南景東人道光十三年進士用知縣分直隸授廣宗二十

一年揀發廣西署養利知州除融縣進直隸州知州授鬱林咸豐四年擢潯州府事時艇賊梁培友大口昌縱橫水面聞體舒至就撫已而叛去糾貴縣賊趙洪李七等衆數千犯郡城體舒督兵登陴守禦更番出擊分兵截歸路戰西關擒斬千七百餘級賊遁追至河邊燬賊船數十餘匪仍退據貴縣巡撫勞崇光奏薦堪勝道府任進知府尋授恩恩權潯州如故五年廣東賊季文茂等溯江西上犯潯州培友等與之合賊萬餘晝夜環攻絕城中餌道七月穴地攻小南門陷其郛賊蟻附上官軍奮擊矢石雨下斃賊數百體舒血書乞援八月按察使張敬修參將尹達章自平南督水師至石嘴戰失利賊詗知糧盡援絕攻益急官軍饑疲不能拒城陷體舒暨桂平知縣李慶福卸縣事舒樞均被執不屈死經厯宣元烺自縊典史沈廉赴水死體舒贈太僕寺卿銜賞世職慶福等賜卹有差

李保衡浙江會稽人由訓導捐同知分貴州同治元年署普定縣知縣時貞豐回匪陷歸化延及縣屬白巖沙子溝擊敗之粵賊逼安順保衡籌防獲間諜得

賊情豫爲備賊不得逞賊何二竄擾又督團兵兜擊殲賊數百境賴以安三年
調署鎮寧州知州明年署興義府知府時回酋金阿渾據新城陽反正陰蓄髮
懷異志保衛率敢死士數十徑抵城下呼之出示以威信阿渾感服薙髮就撫
降酋馬忠署安義遊擊擁兵驕恣侵知府權縱部卒虐民保衛規之曰既反正
當圖晚蓋奈何若此忠爲歛迹流亡歸集數百戶總督勞崇光疏薦保衛政聲
卓著擢知府丁父憂奉請奪情留任五年以貞豐回匪馬冲負隅檄都司熊忠
守備劉萬勝等追勦賊分股來拒進距城三十里八達地方與普坪黑夷王
罰備句結保衛督忠等設伏截擊斬馘無算萬勝亦擊退頂廟賊合師攻八達
罰備勢蹙詐降於忠忠將至新城受降保衛力阻不聽竟遇害聞變亟調興義
普安團練禦之未至賊逼城下保衛登陴固守或勸以勢急徒守無益蓋逆師
境上爲兩全計保衛曰臣子之義城亡與亡吾知効死勿去他非所知也三月
忠部降卒與賊通城陷保衛巷戰手刃多賊力竭被執罵賊不屈受斬傷死屬
紳劉官禮等以重金募人覓其骸越二年始獲葬署經歷徐海州同李善斗同

遇難詔贈道員祠祀興義海善斗附祀

淡樹琪四川廣安州人咸豐六年以知府候補雲南先是雲南各郡縣漢回相殺回人據大理諸州縣樹琪至演境聞變遣家屬還間道至省城次日城門晝閉得奸人托福托薄搜其家旗幟刀矛咸具事既洩諸回不自安漢人聞回人之欲相殘也爲先發計一呼而衆合城內外火光殺聲兩日不絕初樹琪以部曹出守貴州苗匪亂辦賊有聲大吏就問計樹琪因乘間說曰漢回相仇久矣直漢者曰回曲直回者曰漢曲兩直不相下是助之攻也今日之事誠宜兩曲之以藉謀曲回而以擅殺曲漢然後宣布天子威德示禍福利害使各愛其身家亂庶幾止又請設勸捐籌餉局不十日軍民輸錢米者十餘萬省城事稍定各郡縣告急警報迭至大吏卒遣樹琪及副將謝周綺防堵碧雞關屬以練勇三千人樹琪視所屬練勇不習戰餉又不能持久不得已至關關去城三十里地狹不能布衆乃去關八里朱家祠屯駐時亂回據彩鳳山下左曰三家村曰二里坡皆賊窟其右則昆陽安陵地大吏責樹琪辦賊樹琪使練目熊載攻三

家村從九品周廷軫攻二里坡周文舉具船五十號攻賊前其右則委之安陵州牧兎日逼賊巢至日樹琪與周綺整隊據彩鳳山頂辰已交大霧滿山谷數武外不可辨左右或勸且收隊樹琪歎曰督戰方急而諸路兵又分遣軍令不得失期今日但有戰耳揮隊下山俄報左路敗載與廷軫戰死樹琪軍遂潰周綺先走樹琪據嶺畔一大松立僕何彬李秉劉喜楊紳皆有力能戰無何三僕戰死紳持矛擁樹琪樹琪據地呼殺不絕聲賊從後砍紳墜嶺下樹琪旋遇害時六月二十六日距至雲南僅七十餘日事聞贈太僕寺卿

褚汝航字一帆江蘇吳縣人或曰廣東人道光二十八年捐職布政司經歷發廣西粵匪倡亂汝航於金田及新墟等處勦擊出力累功擢知府應曾國藩招至湖南與夏燮督造戰艦練水軍咸豐四年率所部復岳州復湘潭賊犯城陵磯汝航偕燮分路進擊奪賊前船殲爲丞相汪得勝等追殲殆盡捷聞以道員選用尋賊由擂鼓臺上竄汝航督兵迎擊敗之賊復以船伏城陵磯夾洲爲誘敵計汝航偕燮督都司楊載福等督兵直逼城陵磯賊衆未及抄截被水陸官

軍分途擊潰夾洲泊船亦被燬以汝航膽力俱壯奏獎鹽運使銜嗣統師船於
下游一帶與總兵陳輝龍等水師排陣合攻多所殲斃並火其舟其時羣賊下
竄風逆船膠賊艘復集官軍陷入重圍輝龍及游擊沙鎮邦等俱陣沒汝航等
督軍馳救均被鉅創死之汝航條理精密爲國藩所重及死尤痛惜焉輝龍廣
東吳川人國藩定水師勦賊策輝龍實先以廣東兵船從城陵磯之役自乘拖
罟船先發而汝航繼之死事上聞賜訖壯勇夏鑾字鳴之江蘇上元人以附生
從九品發廣西盜匪陳亞潰滋事鑾捐資募勇在荔浦修仁防勦保府經歷與
汝航治水軍凡器械之屬及營制多鑾手定同復岳州同復湘潭歷保府同知
城陵磯之役汝航統師船進擊鑾於陸路設伏互應進勦至白螺磯蘆葦中賊
衆復集鑾手刃數賊躍入水中死之諸生何南青同戰歿事聞均賜卹如例
儲致躬字石友湖南靖州人廩生少有大志讀書喜講求營陣攻擊之法嘗於
本籍禽治傳習左道倡亂者道光二十九年土匪李沅發作亂踞新寧縣城致
躬督鄉勇從間道馳截要隘助官軍討平之敘功以訓導即選咸豐三年選授

武陵縣訓導江西泰和縣土匪圍入茶陵州巡撫駱秉章檄令募勇討賊八月
賊竄安仁縣攻躬偕把總張大楷往援遇賊於安仁縣交界地與酃縣團勇
合力兜勦大敗之常寧土匪圍攻藍山縣城六晝夜攻躬復偕縣丞王鑑等會
勦陣斬六百餘名賊潰藍山以全移勦股匪於道州四眼橋攻躬繼各營至逼
賊而陣奮擊敗之追殲殆盡攻躬爲偏將兵不滿五百未嘗出境與大寇戰馳
逐衡永郴桂間者先後凡三年旋粵匪竄擾湖南逼省城曾國藩在籍督辦團
練檄攻躬等各統所部遏之四年正月賊攻零鄉縣攻躬偕候選同知趙煥聯
往援遂冒雪夜發身先馳之抵縣南門城已破賊正縱火焚掠攻躬率勇目喻
西林文生楊英華等奪力奪西門入轉戰城南北賊屍填街市悍賊橫截之復
挺矛入賊隊圍數十身被十餘槍力竭與西林英華等同歿於陣國藩疏以攻
躬守鄉一戰以五百勇敢賊三千斬馘數百我兵喪亡止十八名賊氣奪夜竄
零鄉卒得保全令邑感激欲爲建祠藍山道州戰績擬保同知直隸州撫臣未
及彙奏不料遽爾捐軀請照進秩議卹詔進贈道員諡忠壯湖南巡撫駱秉章

立忠義專祠祀安徽巡撫江忠源等復請以政躬附祀從之

李杏春字石仙湖南湘鄉人少工制藝神清體弱而膽識過人由廩生投効軍營以功用訓導咸豐四年隨審紹台道羅澤南軍義甯州之戰與縣丞蔣益澧率兵數百當賊黨七八千杏春直馳中路賊潰走諸軍追殺十餘里斃賊六百人復戰趙嶺賊多墜崖死乘勝逼西門與各軍環攻克之至是累功進同知直隸州進勑湖北通城督兵攻西北澤南自將中軍繼之斃悍賊數十賊狂奔入城諸軍疾趨之奪門入立復縣城賊竄蒲圻杏春敗之道口賊踞梯木山率衆攀藤上焚其巢逆首石達開率大股來援官軍分三路應之杏春當右路松林之賊躍馬登山整隊以待賊洶涌廝至官軍突前擊之斬執旗悍賊酋十餘人餘衆驚走明日賊衆二萬來犯衆議退帥杏春不可曰大軍在後退則全軍奪氣與參將彭三元扼要堵禦鏖戰五時斬馘數百咸害賊悉衆來援崇陽土匪響應衆數萬圍營三面杏春與三元分路馳突相持兩時許礮下如雨三元戰死杏春勒馬回救麾下勸之走弗從曰彭參將死我何忍獨生馳入賊陣手刃

悍賊一人而死贈知府銜附祀塔齊布專祠

朱善寶字子玉浙江平湖人由監生入貲爲州判勦海州徐州匪保同知署江
寧府督糧同知咸豐十年隨總督何桂清駐常州江南大營陷常州大震桂清
以守禦事悉任善寶既賊陷丹陽桂清遁欽差大臣和春亦走無錫提督張玉
良收潰卒營城外亦戰敗賊從奔牛鎮來犯城兵千餘旦夕垂破善寶以常州
爲蘇浙浙門戶常州不守則蘇浙瓦解卒不去賦絕命詩以見志與通判岳昌
勵衆登陴殺賊千計賊屢至攻益力城陷戰青果巷被十餘創死之卹世職
莊裕崧陽湖人以監生輸餉獎通判銓四川佐駐藏幫辦大臣恩慶治裏塘夷
務普直隸州知州初裕崧幕遊蜀至是例迴避恩慶疏留辦善後藏事畢改省
甘肅同治元年補鹽茶廳同知廉慎自持諳政治廳屬回目王大桂等以平
遠回揚言漢民傳帖約期滅教轉相扇惑於是羣回驚疑謀起事裕崧與涼州
鎮總兵萬年新馳赴秦家灣敵營曉以禍福責以大義回衆跪道左咸聽命裕
崧等領赴固原遣員分赴各莊回戶皆就撫獨巨賊馬彪馬新成等抗拒不服

大桂立殺之繇是無一敢抗者事遂定其年秋循化巴燕戎格撤拉回族時出攻剽分擾西寧碾伯隆德河州居民苦之裕崧奉檄與諸軍分道進擊戰屢捷撤回勢蹙相率歸命二年護理總督恩麟狀其績曾知府俄而固原回楊大娃子等犯鹽茶廳年新戰失利直逼廳城裕崧率文武登陴固守踰月賊力攻內奸放西門遂長驅入裕崧率團丁巷戰矢盡糧絕被執擁至禮拜寺百計威脅署賊不屈遂及於難前都司高如岡照磨胡教皆戰死城入署執幕友四川舉人易舉索印拒不與並家丁李暢等十一人同時被殺年新湖南人固原失陷馳往查辦賊僞乞降卒衆潛至襲擊爲所執不屈死之

清史稿

列傳

忠義五

王淑元

高延慶 袁嵩陽

劉繼祖

李登政等

沈衍慶

李仁元

李右文

李衡文

陳肖儀

吳成

于松

魏晉培

唐治

魏晉培

畢大鈺

楊世發 劉繼林

文穎

徐鳳增等

冒芬

徐鳳增等

韓體震

徐克聖等

蔣嘉穀

瑞麟

會寶塔 楊映河等

劉作肅

王思棟

李福培

王思棟

李據

李大均

袁祖惠

李淮

尙那布

周玉曾等

林源恩

唐德慶

謝子澄

周玉曾等

張積功

傅世淳 魏晉培

施作霖

徐鳳增等

鄧玲筠

承順

托克清阿

馮元吉

平源

張寶華 王國用來錄

余寶琨

王汝撥

王淑元字秋查浙江鄞縣人以舉人知縣分發廣西歷權柳城雒容平南馬平等縣事授博平調天保會臨桂縣民以糧價重不輸稅大吏欲搗以兵淑元在省進議曰民固有所苦得平自服遂調臨桂既莅任爲汰浮收民便之無逋賦者道光季年粵匪洪秀全始謀逆其黨李嘉耀潛入省垣煽土匪內應發覺淑元鞠得餘匪匿所悉數掩擒叙功升龍州同知以肅清會匪獎知府銜三十年擢太平府知府旋任龍州時廣西巡撫鄭祖琛懦而黯羣盜蠭起輒務諱匿三十年賊潘寶源等來犯淑元率練丁禦諸距州十里之灣道以次子光頡自隨立堂上罵不絕口呼家衆殺賊賊斫淑元仆地斃之去光頡奔奪賊殺光頡而戰不利兩甚藥濕礮不及發因退回城及門賊已由間道入擁衆逼官廨淑元

投淑元於勤村河盜去三日始出之身首皆裂獨而色如生高延祉字筠坡浙江蕭山人由舉人充官學敎習期滿用知縣道光二十一年英夷犯浙江沿海舉行團練延祉率義勇爲前驅擊燬夷船咸豐元年揀發廣西與都下親友別即以致身奉國自督尋署隆安縣事土賊陸鵬理與其黨乃利中凌阿東等屢爲邑害延祉集團練遣間諜以計誘殺鵬理捕獲其家屬黨與二十餘人並毀利中巢窟及塚阿東亡命謀復仇糾衆千餘據白山之感城與歸德接壤延祉偕歸德土知州黃爲錦率練勇四百進攻沿途摶戮賊探多名行抵袍城距感城十餘里遇伏軍潰復激勵練勇奮擊殪匪二百餘賊衆鑑至延祉挺刃督戰被賊矛中腹遇害爲錦亦戰死僕隸多殉之者延祉任隆安七十餘日無日不在外治戰事居縣廨僅數日耳民感其保衛之恩爭贈其孤孤辭乃以其貲建祠祀之以從死之僕隸壯勇祔同治十一年追謚壯節爲錦山東人

瑞麟白氏漢軍鑲白旗人由贍錄議敘巡檢道光五年選廣西鎮峽寨巡檢調主簿擢州判知州咸豐元年授西隆州知州二年二月洪秀全自永安犯桂林

敗竄全州瑞麟已卸州事繼任知州曹變培知瑞麟才深相結納約共守禦時都司武昌顯以楚兵四百援桂林道經全州變培留助守四月賊薄城下發礮轟擊斃賊甚夥越日攻益急歷十一晝夜提督余萬清劉長清來援分駐城北太平堡城西魯班橋距十五里外牽制弗能進守者憇甚子藥不繼賊穴城地雷發城崩賊乘入千總葉永林把總張元福死之瑞麟素驍勇遇賊中衝手刃數人力竭身死變培亦巷戰死賊攻城時多死傷恨甚城陷屠之焚屋舍幾盡文武官紳同時死者署全州營參將楊映河把總卜有祥解餉官四川知縣盧金第安徽府經歷陳壺湖南遊擊余遇陞都司武昌顯千總田慶華馬瑞龍把總盧先振黃志林韓大興外委孫紹全楊清麒田宏義楊大賓龔心仁田宗南武舉唐殿試生員蔣成龍金建勳武生張以敬幕友黃柏彬祝永文朱福坪周希齡孫培駒楊菱舟金家駒朱澤凡三十餘人學正農賢訖年七十甫歿棺燬妻殉之瑞麟謚壯節與變培並贈道銜詔祀京師昭忠祠建專祠全州曰愍忠祀變培及諸死者者變培字理村浙江仁和人選柳州通判攝西隆州賓州事

除東蘭州知州權全州性倜儻有吏才不拘節目聲伎滿前然無廢事或規之引文信國公少年時事自解曰他日能學文山足矣人謂燮培無負素志云時死廣西者又有署永安州吳江龍門司巡檢馮元等

劉繼祖江西玉山人增貢生道光十一年以同知分福建十九年除淡水同知以憂去服闋借揀知州發廣西二十七年授永康尋署藤縣時灌陽平樂陽朔等處匪徒肆擾偕知府張熙字督勦殲擒殆盡進知府咸豐元年金田賊敗竄大黃江繼祖率水陸壯勇乘夜攻擊焚其巢以所部練勇失鈐束奪職四年巡撫勞崇光奏請留藤協辦團練尋艇賊梁培友糾衆攻藤繼祖偕知縣翟登峨等要城固守設間出奇擊郤之旋以土賊馮六戴九等接踵至據河干盡焚沿岸舟鄉輒來援者不得渡賊衆兵單城陷繼祖受重創與登峨子襄采團長梁文軒等巷戰力竭死之登峨被擄罵賊不屈被害棄屍於河典史冉正棠斷死獄門詔復繼祖原官賞世職登峨以次死者卽有差登峨字眉峰山東章邱人進士裁取選藤縣

劉作肅字敬亭奉天承德縣人道光元年舉人選知縣授天河縣歷甯明知府兼明江同知咸豐三年賊衆萬餘攻城相持五月餘解圍去以城守功加知府賞花翎六年署太平知府賊屢來犯禦却之十年復來城中無儲粟賊圍亟守陴者皆走城陷作肅投池水淺不能死爲賊擁去以其居官清廉不忍害之作肅乃吟絕命辭絕粒死其弟與僕姚雲吳貴同殉妻趙及子家祥女等皆先自盡以子家鳳被執不屈死恤如制賞世職建祠府城二僕並賜卹

沈衍慶字槐卿安徽石埭人道光十五年進士以知縣發江西署興國補泰和二十五年調鄱陽縣濱湖盜賊所出沒衍慶編漁戶防保甲法行之屢獲劇盜俗悍好鬥輒輕騎馳往竭誠開導事寢息兩遇水災盡力賑撫存活無算舉卓異咸豐二年粵匪陷湖北武昌衍慶請兵守康山控鄱陽門戶三年九江陷謁諸軍與賊戰大破之賊將東竄衍慶率練勇巡東門見糧船中數百人裸而前衍慶手刃二人餘黨惶服人心始定賊圍南昌巡撫張芾檄衍慶赴援會合省防

仁元攝鄱陽事同商守禦賊至與仁元同力戰城陷死之贈道銜立祠鄱陽仁元字賚齋河南濱源人道光二十七年進士內閣中書改知縣咸豐元年授樂平民俗剽悍以禮讓教之多感悟有素習械鬥者仁元曰民不畏死然後可以致死今天下多事正此輩效順之時也簡驍健得六百人日加訓練士匪畏之斂迹樂平與鄱陽爲鄰境仁元政聲亦與衍慶相埒至是南昌戒嚴衍慶助勦仁元移攝鄱陽以代之未幾衍慶以防賊擾歸縣因仁元父母妻子在樂平亟趣仁元去仁元曰賊旦夕且至臨敵易令是謂我不丈夫也遂議併力戰守值久雨湖漲城圯無險可擗於是密度地勢衍慶軍南門仁元軍北門爲犄角部署甫定賊揚帆大至歷軍燃礮碎賊艦賊繞東門登岸入城衍慶迎擊賊稍卻又繞而北仁元率樂平勇巷戰矛刺仁元踣鬪割之所部猶力戰死者過半卒得仁元屍以出初樂平土匪度仁元去必復來伏不敢動及聞殉難乃倡議迎賊仁元母顧其婦及女曰禍將及矣曷早計皆死之城陷仁元父及弟並不屈死事聞詔贈知府銜與衍慶合祠於鄱陽別於樂平建仁元專祠父予墀母

陳氏妻金氏弟誠元妹三人妾楊氏及僕婦等均祔祀

李福培字仲謙江蘇無錫人道光二年舉人會試十三次不遇考教習補左翼宗學教習期滿用知縣咸豐元年選授廣東從化縣時廣西賊起廣州爲賊出沒所從化界連七邑距府城百七十里四年賊逼廣州福培以花縣之石角及縣境之太平場爲從化及諸邑屏障請大府屯兵二千兼可斷賊糧道不報乃自募壯丁數百人與典史趙應端及從弟性培分將之七月賊數千直薄城下福培登陴固守率兵民力戰凡七捷斬八百餘級九月援兵大至急解縣印授其子送省會而誓以死守賊昇礮攻城裂數丈賊鑄擁入與應端性培等巷戰身受數傷退至學宮尊經閣猶投石殪賊焚閣三人同死之僕周鏞勇丁蘇兆英等皆殉難卽福培贈知府銜建專祠特誥剛烈福培就義處有血影瀆地如人形濯之愈顯後任建石欄護之榜曰忠蹟昭然王恩綏字樂山亦無錫人與福培爲中表昆弟少以諸生受知巡撫林則徐招入節署讀書稱爲篤行君子道光二十九年順天鄉試舉人考充宗學教習勤其職惠親王稽察宗學語

人曰不視此職爲具文孜孜不倦者王教習一人而已期滿以知縣候選恩綏幼與福培同學長以氣節相砥礪同居京師夜分論時事慷慨罵諸將吏棄城與軍輒面發赤戟手搏案聲震鄰舍童僕爲驚起福培仕廣東恩綏與之書曰大丈夫當此時與老死牖下孰若埋骨疆場耶及福培殉益躍躍欲得一當咸豐四年秋武昌克復大吏以湖北闕員請吏部揀發選人方是時武漢再陷再復寇尙蠢蠢至選人皆畏沮不欲行多稱疾謁假恩綏慨然曰若仕必擇地則夷艱撫危杖節之士不復見於今世矣寇何由平冠帶往聽旨果發湖北或言寇深入道且梗盍徐徐行恩綏不可携一子一僕問道疾驅五年二月始至則武昌已被圍巡撫陶恩培嬰城守兵弱餉絀勢岌岌不保官吏藉口出請援師乞大吏檄引去者相屬布政使胡林翼駐師城外恩綏往謁林翼惜其才留贊畫軍事恩綏辭竟繩城入恩培詫曰此旦夕死地人患不得出君獨患不得入今何時乃有此義烈男子耶溫語慰遣之曰君無守土責尙可出就胡營留此身以待用恩綏固不可遂奉檄登陴守禦翼日城陷恩培殉黃鶴樓恩綏與武

昌府知府多山督兵巷戰同時死之仲子燮及二僕皆殉明年冬武漢克復當事以恩綏死事狀上聞得旨賜祭葬予謚武愍既而御史汪朝棨疏言恩綏無守土責而視死如歸不特與草間偷活判若天淵即較之城亡與亡亦分難易且忠孝一門僕從皆知赴戰尤足扶植綱常請於本鄉建專祠會巡撫郭柏蔭亦疏請建祠武昌詔並許之

李右文，字伯蘭，順天通州人。道光十一年舉人，咸豐三年選授湖南東安知縣。粵匪犯天津，留辦本鄉團練，以功賞知州銜。五年赴官值湘南道梗，諸弟馳書尼其行，不聽。至楚，權新寧邑，屢被寇，戶口流亡。右文招集撫循，凋敝以振。七年，以最調祁陽。時從弟載文殉難廣西，弟復馳書勸歸，慨然曰：「死生命也，脫捐頂踵報國是得死所也。」何慮爲尋回。東安任八年，湖南境賊退，右文謂衆曰：「賊敗，他竄不可恃。亟訓練民團，置倉穀數千石，備不虞。」九年春，石達開由江西回竄，湖南逼近。東安新寧紳衆數百人來迎，請避賊。新寧右文曰：「吾去誰爲守此土者？已復請護家口出境，又曰：『是爲民望也。』卻其請，衆泣誓死不忍去。三月，賊脅

至城卑四面告山賊環瞰之右文集城中官民登陴固守親冒矢石厯七晝夜
轟鑿城下賊甚夥城陷與賊巷戰署東身被重創猶手刃數賊力竭遇害賊燔
其屍僅得脊骨歸葬子傑妻郝子婦王及僕婢皆從死新憲紳衆數百亦先後
戰死詔視道員例賜卹建祠本籍隨殉親丁紳勇附祀子傑字小蘭縣丞有幹
略侍父湖南襄督練勇進知縣方賊之回竄也右文知不免作書與諸弟訣命
傑齋往意欲生之也傑不忍去又重逆父命潛避署左右覩賊變賊至率練勇
守南門城陷聞警馳父所未至遇害屍同被焚視同知例賜卹載文字潞帆右
文從弟道光二十四年舉人三十年以知縣發廣西咸豐元年權馬平縣時洪
秀全犯桂林馬平賊李志信響應載文率兵勦捕殲之尋調平南五年艇匪梁
培友由梧州上竄陷尋州擾平南載文禦之渡口礮燬沈其船追擊斃匪無數
賊屢分撲南北岸悉卻之累以功擢同知直隸州六年五月至七月賊虜至水
陸環攻載文偕參將曾廷相張遇清都司唐文燦等嬰城固守困重圍七十餘
日乞援乞餉告急文數十上大吏但空言慰藉載文知事不可爲遣親僕問道

以縣印檄送桂林獨激厲兵勇與賊相持數諭傅揚清把總呂耀文生員傅揚芬吳國霖先後戰死賊攻益急載文中礮傷股痛哭北面頓首曰臣力盡惟以一死報國然不忍百姓屠戮也縱之去千總方源開城私遁賊乘隙入載文廷相率勇巷戰手刃數十賊力竭自剄不殊賊擁至船中抗罵不屈並鬪割之是役也遇清守北門持大刀斫賊三十餘被賊攢刺無完膚死文燦守南城率外委張珽巷戰死守備張彪守火藥局然火薈斃賊百餘亦戰死載文廷相死尤慘先是巡撫勞崇光奏薦載文堪勝道府兵部侍郎王茂蔭亦奏保循聲卓著擢桂林道缺知府命下載文已遇害贈太僕寺卿銜賞世職建祠本籍同治十年追謚壯烈

李標字紫藩安徽宣城人以監生入貲爲知縣道光二十六年選授湖北公安賑災有惠政調孝感再調鍾祥咸豐二年粵匪自長沙躡岳州犯武昌所在奸民競起鍾祥馬驥子襄陽郭大安天門蓋天王皆盜魁黨衆大者萬餘小乃數千標教練壯士千餘人捕馬驥子及其黨數十人斬之復知郭大安方謀以衆

投粵賊設伏間道爲之乘大霧掩擊蓋天王悉俘其衆時武昌漢陽相繼陷上
游諸郡帖然無恐者據平諸盜力也既而武昌復大吏上檄功擢荊門州知州
調署江夏縣鍾祥民萬衆攀留不得會粵匪林鳳祥等北犯其後隊自河南折
入湖北陷黃梅趨麻城據率提標兵千人往援擊賊黃岡之鵝公頸江口大破
之窮追至安慶與安慶兵夾擊殲賊殆盡還宿松警復破賊下倉埠韶以知
府升用踰月賊復自江西大至寇廣濟之田家鎮大吏檄據往連戰皆捷最後
戰他將懦不進據率所部渡江擊賊賊敗走孤軍追賊至興國州富池口賊知
據軍無繼者分舟中賊登岸襲其後據引就水軍水軍走左陷淖中與所部二
百人皆鬥死咸豐三年九月十日也事聞贈道銜予世職公安鍾祥之民家祭
巷哭奉木主祀之始據爲縣所至必於其地夷險豐耗民俗醇訛奸蠹根株人
所疾苦盡知之爲治行之出於至誠人樂爲用願效死力及其殉難久而思之
同治二年湖北大吏復奏據死事甚烈在官政績尤著請宣城及死事所建專
祠詔可予該剛介

陳肖儀字幼泉江西弋陽人嘗遭母喪扶柩舟行江中夜火發四面皆烈燄肖儀以身伏柩上隨江流飄蕩不死柩亦無恙一時稱奇孝年十九官湖北縣丞擢廣濟知縣咸豐三年粵匪破田家鎮去縣七十里縣故無城垣召募鄉兵皆望風走肖儀知事不可爲持刃坐堂皇賊入數其罪即抽刃自剄未殊賊縛之曳於市子恩藻奮臂擊賊賊立殺之肖儀罵益烈賊鑿齒剝頰膚盡見骨三日乃死賊解其體爲五縣民悲憤賊去始斂焉萬成滿洲鎮白旗人道光二十四年舉人揀發湖北知縣署漢川調安陸咸豐四年匪由武昌北竄陷雲夢時總督台湧駐兵德安萬成陳戰守二策湧不能用欲退守三關徐圖克復且諷與俱去萬成垂涕曰棄而不守如百姓何與城存亡守土之義也其僕復勸之並以主人無嗣爲辭萬成厲聲曰我家世受國恩若臨難偷生無以對國家卽無以對祖父遂致書邑紳曰禍在旦夕誰之責歟一死塞責不可爲臣有辱於親不可爲子願不歸櫬於先人之墓留葬於此以誌吾恨是夜警報沓至萬成召團練諸紳告以在城兵勇俱隨總督北發已當以死守城又知事必不濟復作

絕命書與士民訣略曰賊已至雲夢勢必來德安我惟據城固守不能則以死繼之諸君不我遐棄能尋我遺骸葬於碧霞臺下常此北望神京則九原之下感不忘矣踰日賊距城二十餘里台湧擁兵徑去萬成謁知府議救急策甫出署紅巾賊數十突至知城陷抽佩刀與戰手刃數人力竭死之賊焚裂其屍德安復縣民卒收葬殘骨於碧霞臺下以遂其志

袁祖惠字又村浙江錢塘人祖枚以詩文名官江寧因家焉祖惠早慧入貲爲江蘇寶山縣丞兵備道某稔其才以上海縣令姚某漕事註誤去檄祖惠攝縣事且代姚辦漕未五月難作先是縣中團練多閩廣無賴本地游民和之漫無紀律粵匪據江寧爲僞都人心益搖於是小刀會起事小刀會者即無賴游民所結合黨羽散布官役皆爲耳目道故粵產謂中多粵人置不爲備先發難嘉定狀縣官道仍不爲備咸豐三年八月初五日爲上丁祀事日黎明祖惠肅衣冠出賊蟻擁入署一賊號小禁子者祖惠嘗因案懲之首犯祖惠刃交於胸被十餘創罵不絕口死守備李大均得訊躍馬呼殺賊手無械不能戰自經死

于松漢軍正黃旗人以廩授藍翎侍衛出爲江蘇松江糧廳咸豐元年春南漕改海運漕船水手將譁變大吏檄松資遣變遂定明年大吏復以資遣事檄松時粵賊已踞江南爲僞都水手環而嘯呼勢倍前松爲上息內閩計藉其精壯而訓練之不旬日得勁卒二千人會向榮潞賊圍江南江蘇境內稍安六年率所籍卒從巡撫吉爾杭阿勦鎮江既成營搏賊銀山下戰屢捷鎮江賊仰息江甯既屢創閉壘潛略高資鎮松以千人馳擊渡夾江平賊營改攻鎮江城以衆夜薄城下梯垣縱火潮勇噪而驚賊賊起燃巨礮登者紛墜松督隊在前鉛丸中額仆牙旗下旋卒潮勇故剽椎名盜居營啗賊金故爲賊用敗官軍松死麾下士千餘人悲憤痛哭不忍聞

尙那布國羅落氏滿洲鎮黃旗人咸豐三年由舉人揀發江蘇知縣八年署溧陽僕從蕭然日集士紳議戰守不退食兵勇踐境親立城卡彈壓出境乃已創義學築舍數十楹集諸生講肄購田百餘畝供膏火修葺文廟庀材鳩胥捐廉爲之倡疏濬城河懋邊稱便迭以軍需籌防催徵力最賞知府銜十年賊陷廣

德溧陽界其北尙那布督死守賊脅逼城下急切無援督練勇擊賊退未幾賊復大集攻城愈迫越日城陷尙那布厲聲叱曰我溧陽知縣練勇殺賊我作主速殺我勿傷百姓遂遇害卹贈太僕寺卿銜賞世職時署金壇縣知縣李淮同以城陷殉難淮字小石浙江鄞縣人固守至百餘日賊乘霧登城淮服坐堂皇罵賊死之

唐治字魯泉江蘇句容人道光五年舉人大挑知縣分安徽補桐城縣歲大水請帑勸分按口振施不假手胥吏一月鬚髮爲白調祁門舊有東山書院生童膏火取給鹽釐治別籌捐項充經費士商兩便之又立義倉積穀至數萬石時粵賊據江南安徽改省治廬州賊船上下無所忌上書陳利害不報祁門無兵依山爲城徽州以富名賊欲圖徽必道祁請以兵守又不報而祁之姦民前苦治嚴紺者遂爲賊嚮道四年正月賊入縣屬櫟根嶺治招集團丁激以大義誓共城存亡時大洪巡檢鍾普塘亦帶勇入城協守賊逼西門治督衆登陴迎戰礮轟斃匪數十人大股猝至城遂陷猶奮勇巷戰力竭馬蹶與普塘同時被執

誘降不可凌辱之不屈以禮遇之終不食飲卒罵賊死普塘同時遇害沈屍於河普塘紹興人賊欲說降之曰吾年逾六十矣即不知羞恥事能再活六十餘耶傳其罵賊尤烈云同治二年曾國藩請於祁門建專祠以鍾普塘附祀賊躡安徽守土吏殉節死者又有泗州知州鄭沅六安州知州金寶樹蒙城縣知縣宋維屏望江縣知縣衛君選盱眙縣知縣許垣沅順天大興人寶樹江蘇元和人君選河南趙城人垣江蘇上元人維屏籍未詳

林源恩字秀三四川達州人拔貢生舉道光二十三年順天鄉試咸豐元年選湖南平江縣知縣二年秋粵賊犯長沙瀏陽通城匪徒皆爲亂三縣皆與平江接壤源恩詰姦守墻如防禦水截然不得蟄江忠源以爲才保奏知州銜又以書播告士友道林某堪軍旅也時國藩治兵長沙檄源恩募平江勇五百人以從旋有他賊自崇陽通城犯平江檄源恩回援壁北鄉之上塔市三月四日賊大至環源恩壘源恩逆戰大捷追奔數十里既而塔齊布胡林翼師克通城平江解嚴帥別勦則賊仍囓至源恩屢戰卻之會有忌源恩者功不得叙又別據

他事中之源恩憤甚詣大府自陳而薈於辭卒莫能自達遂從國藩九江軍命治羅澤南糧臺乙卯春從克廣信賞花翎又治塔齊布糧臺旋任水師營務十一月又攝理陸軍於廬山之麓姑塘之南而江西巡撫聞源恩賢飛檄至南昌付以所新募之平江營者源恩在廬山又與共事武夫不相能憤彌甚薈獨歎曰丈夫一死強寇耳終不返顧矣明年石達開犯江西連陷八府五十餘州縣六年三月李元度率師自湖口南來源恩與鄧輔綸自南昌而東兩軍會於撫州克進賢東鄉進破文昌橋堅壘五堵其巢既薄城源恩壁南門元度壁西南隅相去四里賊嬰城拒守堅不可拔當是時江楚道梗瑞臨袁吉四郡無一官軍援賊不時至至則合城賊來犯所部迎擊三十里外輒重創之破賊壘者九大小戰五十有六皆告捷然部下血戰久疲不得休裹創者十之三病者十四五會輔綸中蜚語去在事者多告退源恩勢益孤餉日絀宜黃崇仁兩縣來乞師謂克宜崇則能拊撫賊之背且勸士民輸餉可得十數萬源恩與元度遂分江楚軍共五千徇西路九月三日克宜黃九日克崇仁佯斬各數百忽皖賊數

千自景德鎮來援急撤宜崇軍官民苦留不遣將士亦以久飢甫得一飽不能行賊趨撫州十六日扼河而戰水涸賊驟馬飛渡追而敗諸城下先是源恩所部之右護軍遣赴崇仁留三百人守壘賊訕知之詰旦出犯先陷右軍遂圍源恩壁源恩慷慨諭將士曰好男子努力殺賊無走也衆皆應曰惟公命都司唐德陞馳入壁掖源恩上馬源恩曰此吾死所也子受事日淺其行乎德陞曰君能死吾獨不能死耶從容解金條脫畀其從子某曰若馳去吾與林公死此矣壘破源恩手劍鎗賊力竭死之德陞素驍健格殺十餘賊始被害從死者三百餘人源恩年僅四十追贈道員賜卹如例德陞字彥遠審遠人舊隸副將周鳳山部下以十五日奉檄來軍十七日及難贈遊擊

畢大鉅湖南長沙人咸豐二年以附生守長沙南關粵賊破城燬大鉅歿空棺實土爲墻傾刻成三十餘丈隨提督鄧紹良堅拒八十餘日殲賊數千賊自湖北回竄湘潭靖港均陷大鉅復以防省功選用府經歷縣丞湖北崇陽通城陷大鉅復領兵赴勦諜知賊由平江擣長沙絕饋道厲兵爲備賊不得逞行軍

禁騷擾一蔬一木無妄取通城亂久無官爲立團防鋤土匪通人安業因其歸報金巨萬大銓却不受四年保用知縣授浙江仙居知縣案無留牘地瘠民貧逋賦多大銓在官民爭輸納尋捐知府浙江巡撫何桂清留筦糧臺檄赴於潛防堵又以開化疊警調防婺源初戰屢捷尋賊以三千人圍南關大銓偕胞姪候選通判榮清合勦賊大至力竭均死之卹贈太僕寺卿賞世職湯世銓字彥聲順天大興籍江蘇武進人道光二十六年舉人咸豐三年以知縣發浙江七年署開化縣時粵匪闖入浙境山常山類歸化委署者多不肯往世銓獨毅然請行至則募勇防守八年三月賊首石達開擾衢州鎮總兵饒廷選戰敗遂逼開化世銓聞警登陴賊突至城陷世銓拔佩刀自剄爲紳民奪刀擁出不得死陰約各都結團且飛書請兵會鶴麗鎮總兵周天孚督軍迎擊賊奔處州世銓率團沿途截殺六月縣城復仍因失守褫職代未至仍帶勇守禦七月賊由常山復攻開化江蘇候補縣劉福林帥鄉勇方檄赴南國世銓請於大府留籍防禦而以城守屬縣丞某且出印印其衣畢遣人賚印至府授代者遂出禦賊

於華埠賊至壘擊敗之會貴州定遠協副將朱貴統兵三千來援戰失利世銓急整隊出倉猝不能成陣力鬪與福林同歿於戰所以印衣覓得屍胸腹腰脅創十數勇目方忠同死於其側事聞復原官卹如例給世職

謝子澄字雲航四川新都人道光十二年舉人大挑知縣分直隸咸豐元年署無極縣二年補天津天津地濱海獵悍難治市有所謂混混者健武善鬥子澄至見前令繫諸混混歎曰是奚不可化者籍其名縱之未幾縱者鬪於市子澄按名捕殛其魁地而遂靖時粵匪出擾湘漢順流而東遣曾林鳳翔李開方分兵渡河莫測所向人方謂南北道隔賊不敢犯子澄深以爲憂捐金倡團練召所縱諸混混以周處故事喻之衆皆爲用回民劉繼德復集回民千餘人應之遂率赴教場授器械教戰陣之法其妻亦撤簪珥以助長蘆鹽政文謙歸財與糧隨時協濟子澄得一意練兵未幾賊圍懷慶踰月渡臨洺關總督訥爾經額帥師遁遂經順河柏鄉欒城入深州主闖者務持重雖數奉詔夾勦而習於潰逃數避賊其奮勇者尾追數千里氣亦餒賊勢益橫又經獻縣交河以薄沧州

滄州號有備亦爲所拔津地大震九月賊至稍直日大吏不知所爲議嬰城守
子澄以負郭居民數十萬不應棄之力爭遂用沿河棹小舟以火器取野鷺者
又火會會衆萬人合水陸拒賊而別向火會首事張錦文籌資先是錦文輸家
財濬濶濶成運河水大至環城溝下成巨浸而葡萄溝尤甚子澄阻濶守渡濶
擊賊賊曾開山王小禿子手黃旗指揮迅奮剽疾能一躍丈餘避槍擊子澄先
伏打野鴨船於岸外賊以爲民船也呼渡船槍發殪小禿子羣賊奪氣伏舟進
擊餘賊血流染波日晡軍餉錦文又齎糗糧至戰益奮勇目余鵬龍等相繼陷
陣復斬級無算賊遁是役也子澄功最旨以知府用留本任時賊退踞靜海及
獨流鎮子澄奉調赴勝保營列營河西賊由獨流出撲屢擊退之嗣靜海賊傾
巢出援子澄追勦賊竄正箬會都統佟鑑思絕賊歸路進掣濶板以路滑失足
踏地賊刃交下子澄單騎馳救蹶洞馬腹身受七傷鵬龍負之趨子澄曰卿矣
爾亟行母顧我賊曾高剛頭薄之急子澄恐爲所辱沈於河鵬龍率從子棟梁
等皆戰死事聞加布政使銜謚忠愍建專祠喪車還津無貴賤皆往吊哭如私

親天津祠落成蠡縣人李某生致高廟頭剖心以祭子澄好爲小詩工駢體文爲政有聲卒以殺賊致殞人謂賊自河北經山西所至席捲無堅城獨受挫於子澄使京師得以爲備其關係尤重云先是賊過臨洺關同知周憲曾公服坐餉箱上罵賊死後子澄以知縣死直隸者江安瀾廣西臨桂人舉人挑教職保知縣發直隸補柏鄉咸豐元年調靜海賊北犯靜海爲畿南衝要大軍援勦供應無乏賊入境偕署都司潘宗得等禽斬僞司馬陳得旺大隊虜至官軍衆寡不敵遽潰城陷赴水死破沙河王衡身中七刃死破欒城唐盛朝服罵賊賊縛之柱上死典史陳虎臣從死又馬雲嵐慶雲人州判賊犯縣城率鄉團出禦被執不屈死子龍文從死卹如例予世職

文穎字魯齋趙氏漢軍正藍旗人道光二十五年進士用知縣發山東補蒙陰邑忠蝗兩以文穎神皆應調陽信強抗漕糧又調商河濬徒駁河境免積潦時粵匪已竄直隸之建通鎮去商河百里募練鄉勇民恃無恐調省主糧臺事適股匪入東境金鄉鄆城皆陷而陽穎當其衝大吏以文穎有幹才檄令往署至

則城備久弛急號召鄉閭爲守禦計是時將軍善祿擁重兵駐東昌飛牒請援置不應憤極抵案曰死耳復何言或諷以出城待援者怒斥曰與城俱存亡豈有臨難苟免之文某哉未幾賊大至割半袖付僕馳報父母即懷印上城與典史徐鳳喈從容出印相視賊入城怒馬馳入賊隊被七創罵不絕口死鳳喈及教官李文綬同遇害文穎抵任才五日時咸豐四年二月二十九日事聞優卹立專祠予世職文穎嘗過泰山題句有云此行不了封侯業願把頑軀報比君蓋以泰山自矢見危授命其志素定云子四三爾豈自有傳

張積功江蘇儀徵人嘉慶二十三年舉人道光十年大挑知縣發山東歷州縣吏二十年初權臨淄前政不善多流亡以誠招徠之皆歸故業即墨飢民滋擾檄往辦理而定朝城民變民聞積功治臨淄事即首行館請死諭以理懲以法皆歡呼去咸豐四年三月賊攻臨淄積功適知州事守禦十四晝夜十四日城陷閭門死難初賊過冠縣知縣傅士珍自經死典史翟濬字菊坪江蘇武進人帥鄉勇出敵遇賊城圍中鳥槍洞其脅墜馬欲退保於司獄賊追及刃倅其

胸馬不絕口剖腹死之妻呂氏罵賊被寸磔亦全家遇害時三月朔也

冒芬江蘇如皋人巡檢發廣東補北寨司巡檢調五斗口緝獲盜匪傅敏南烏石姊等有能名擢廣州府經歷調海豐縣丞英吉利擾廣州以守城功進知縣授開平縣縣介新會鶴山間盜賊出沒芬嚴爲條約捕甚多歷權高要曲江乳源等縣咸豐二年洪秀全陷仁化樂昌兩縣分股攻乳源芬募勇三百約都司車定海拖河爲守使鄉勇繞出河岸設伏凌晨賊至官軍隔河礮斃騎馬賊一伏軍薄其後夾擊之賊大潰渡河追擊斬甚衆餘匪吳煥中黃老滿等潛衆曲江龍歸城結連羅鏡城凌十八圍復逞熒中潛至乳源爲邏者獲芬訊得實偕千總張騰揚馳往捕獲黃老滿等頭目十三名解經曲江寺前村猝與羅鏡賊遇騰揚所部潰散芬率親軍百餘人與賊戰軍火盡芬被創賊奪黃老滿去芬裏創爲書上總督葉名琛極言兩粵賊勢急宜聯絡官民早繕備具越數日傷劇卒卹如例後建專祠

施作霖浙江蕭山人道光二十九年拔貢用知縣發陝西咸豐三年粵賊竄河

南奉檄督練勇防陝境署城固縣知縣七年河南角子山捻匪擾南陽府將竄
陝巡撫曾望顥以作霖練勇有紀律令防商南馳抵清油河距武關三十里賊
已潛山天橋河陷武關作霖偕候補同知曾兆蓉夜冒風雪抵頭條嶺擊卻賊
前敵越四道嶺賊遂至作霖奮下擊義勇厲進作霖手殲悍賊王黨餘賊卻拒
守關作霖直逼關前賊復三面撲熾賊二十餘騎賊攻愈猛作霖分隊擊身受
重創力竭死家丁王建義勇馬永剛等十三人皆死之賜卹謚剛毅貞世職建
專祠

韓體震字省齋河南夏邑人道光二十五年捐州吏目補直隸祁州吏目因父
作謀任文安主簿迴避補山東德州吏目捐升知縣以防堵功獎開缺即選選
湖北通城縣防堵鄰境要隘出力保同知同治元年鄂督官文調赴軍營差委
嗣權孝感縣事孝感屢經殘破城缺不完體震修葺之招鄉勇城守閏八月捻
匪大股分擾京山應城一帶闖入縣境遂撲縣城體震與護軍統領舒保善因
請入城同守始解鞍而賊由缺口入城體震率勇巷戰衆寡不敵身受十傷刀

矛槍子無不備大呼殺賊而死詔照知府例賜卹給世職德克登額字靜庵滿洲某旗人由筆帖式從將軍都興阿軍累保至副都統記名嘗從攻廣濟守營壘不眠者七晝夜爲人沈靜溽暑不去長衣每曰賊平即回家授徒暇則垂釣黑龍江又曰世受國恩得一日授命疆場則吾事畢矣與體震同守城城陷死之

蔣嘉穀順天大興籍浙江山陰人以府經歷發貴州旋保知縣咸豐三年署荔波縣縣毗連粵西粵氣近幅土匪乘之嘉穀內守外禦境內安堵始之任獄多繁囚半逆黨督從復有挾私誣告人從匪者嘉穀訊得實俱決釋之時芻糧告匱或以勸捐進嘉穀曰民被蹂躪久矣忍腹其生而激變乎事遂寢五年六月狹匪復叛與廣匪合約五六千人薄城下嘉穀募勇五百人擊退之時土匪徧地餉需匱乏嘉穀毀家募勇妻陸氏亦出釵釧佐軍衆咸奮守愈堅以故附近州縣皆不保獨荔波得存十月賊復至嘉穀部署城防督師出營於水堡與賊遇戰捷賊小却後見師乏援始無忌憚衆並進嘉穀鏖戰終日傷亡略盡猶裹

創刃賊俄被執賊乘勝攻城城以有備卒不破嘉穀既陷賊怒罵不屈賊束薪
漬油偏體灼之死而復甦則罵罵則復灼如是數次乃絕貴州巡撫將縣遠
以嘉穀善政得民力捍疆圉被害尤慘奏入卹世職紳士請捐建專祠允之
鄧玲筠字治菴湖南寧鄉人道光二十三年舉人咸豐六年以知縣發貴州七
年擢知印江縣時黔中苗教匪充斥曾以邪教蠭亂民有黃號白號等曰鄉
團多叛應之玲筠銳意圖治周巡轄境與田更畜叟握手詢利病手疏小冊用
是能摘發民隱訟者神之思南賊熾地連印江亟行保甲法單騎詣各鄉手自
敦率給門牌如式署紙尾十則曰忤逆曰習邪教曰私結盟黨曰劫掠曰藏匪
類曰竊盜曰容留娼妓曰賭博曰鬥毆生事曰唆訟各擇士紳董之犯者同甲
勿與齒改悔者許具狀於各條下加小印曰自新其頑抗及無人敢具保者治
之且計月以驗紳董之能否加勸懲焉又加意課土割俸給書院發錢與講求
正學並及軍政士皆畏愛之勸民修水利立法詳盡易曉或親履指示不以勺
水擾民邪教惑衆爲文告抉摘其謬婦孺能解簡壯丁數百親教之擊刺法是

年十二月賊陷思南將犯印江印江故無城出營於雲泮禦賊賊以書請假道
焚書斬其人賊從間道襲治所玲筠袖銅椎斃三賊賊環攻復出銅鑼格鬥賊
莫敢近忽四山火起乃突圍抵銅仁乞師得練總王士秀領五百人一日夜行
三百里民見玲筠歸奮躍復得壯士千餘仍從至雲泮是日大霧人馬對立不
相見謀而進賊奔自相踴躍墜厓死者無算復追百餘里戰中壘戰螺生溪戰
袁家灣皆捷八年春知府令玲筠越境勦賊知府先聞賊畏玲筠立鄧字旗懾
賊故嚴檄三至縣民苦留玲筠慨然曰郡守檄縣令安敢違且殺賊固無分畛
域也以千三百人往師次分水埢賊混連糧者入營門變作衆驚潰玲筠觀搏
戰飛石中首手格殺一賊足後被創遂及於難喪其元後軍聞失事憤極殊死
鬥殺聲與哭聲併卒奪玲筠屍還乃樹忠憤幟誓復讐賊懼退屯八十里喪歸
士民大慟爭致赙贈有負販傭挈錢四緡將迎鹽悉以充赙或曰如爾家何備
哭曰公死吾屬無葬所矣何家爲民懷其德立祠祀之並刻遺集曰鉅業堂稿
承順佟佳氏漢軍正藍旗人由文生於咸豐四年隨其父甘肅甯夏鎮總兵定

安出征湖北累功擢至通判發甘肅歷權甯夏鹽捕通判平番縣事授甘州撫
彝通判所至有聲同治元年西甯撤回就撫大吏以貴德廳孤懸大河以外漢
民與番回雜處治理不易檄承順往署適番回械鬥承順爲之平怨息爭番回
悅服值河州回匪倡亂甘涼甯肅一帶響應貴德回民洶洶欲動承順勸導解
散以被難婦孺置署中別院撫養數年有主者認還無主者擇配由是漢番感
戴回民亦協其威時西甯所屬各廳相繼淪陷貴德一廳孤立城中者六年城
中回民暗結陝回謀亂承順密調兵勇入城嚴爲之備回首馬朶三等率衆千
餘人攻城承順登陴抵禦礮石雨下斃賊頗多城內回民開門應賊城遂陷承
順率勇巷戰身受重創厲聲罵賊賊怒斷其左臂罵愈厲復斷其右足罵如故
遂斷其首而支解之其弟議叙知縣崇順監生吉順扶其母薩克達氏至屍所
哭詈皆遇害家丁李文忠等七名同時死之事聞卹贈道銜給世職貴德士民
復以死事狀赴都申訴御史吳可讀疏言青海辦事大臣王通疏報祇及承順
被害情形猶惑於當時回衆拘集漢民勒寫官逼民反漢回同謀戕官之說後

經查覆於精忠大節仍未述及在承順爲國捐軀光明俊偉於願遂矣遺愛在民漢番男婦老幼呼爲活佛誤觸其名即童子皆呵禁之在朝廷爲有臣定安爲有子甘肅爲有官閩門全節尤爲一代完人再懲優卹光緒初元陝甘總督左宗棠覆奏謂承順死節奇偉一時僅見綱常名義不因品秩等差而別則表揚較名位尊顯爲尤亟請官爲建祠并予證法以勵人心疏上允之證勤愍托克清阿字凝如滿洲正藍旗人道光十四年舉人大挑知縣發甘肅署環縣安化知縣及土魯番同知以清查事鐫級咸豐元年捐復原官補泉蘭時回捻擾陝甘土匪聞風響應待郎梁瀚治團練疏薦之總督樂斌亦以其任事果敢檄署秦州直隸州知州尋實授同治二年逆回竄甘南州境戒嚴托克清阿募壯勇繕器械力籌守禦賊竄秦安率軍迎勦屢挫賊賊糾大股至衆寡不敵力戰死之事聞詔以道員從優議卹秦州及本旗立專祠後秦州承其規畫防禦嚴密境獲安全四年秦州士民以托克清阿忠貞孝友慈惠嚴明潔己愛民禦災捍患在任時民皆安業賊不犯境遺愛餘威實足固民心而寒賊膽顙請加

恩賜諡總督恩麟據以入告特詔允之予諡剛烈

馮元吉字景梅浙江山陰人由供事議敘從九品分廣西歷署貴縣五山汎凌雲平樂司巡檢道光二十八年授宜山龍門巡檢咸豐元年金田賊由武宣東鄉逃竄都統烏蘭泰提督向榮總兵秦定三等節節追勦賊竄象州兵勇不能禦直至大樂城轉掠龍門元吉率鄉兵禦之戰敗馳回署衣冠坐皇堂二子澍溥侍立家人請暫避元吉厲聲曰身爲命官不能殺賊安民走避偷生吾不爲也麾二子出皆痛哭不去賊至父子抗罵同遇害家丁嚴祿夏玉俱死詔以元吉微員從容盡節澍溥從父殉難忠孝堪嘉贈鹽運使司知事銜賞世職建專祠澍溥附祀

平源字沛霖順天大興籍浙江山陰人由吏員敘典史發安徽咸豐二年署懷甯縣典史恤獄囚嘗曰囚死於法可也死於非法不可也眠食皆躬察之粵匪犯安慶事急囚譁欲脫械去源至囚曰此何時也公胡弗自便源曰此若輩所以犯刑也死可苟免耶囚曰公不去囚何忍去俄而城陷巡撫蔣文慶遇害餘

官皆走源獨冠服坐獄門外賊至脅之曰若降官若不然飲吾刃源曰刃則刃耳吾豈受汝脅者賊曳至懷甯縣署外殺之逮死罵不絕口安慶人思之爲立石於殉節處時又有張寶華者爲望江縣典史聞城陷視其妻賈氏自經畢冠服坐堂上罵賊死華陽鎮巡檢王泗同時殉難盱眙縣典史周來豫後於九年助守縣城力戰墜馬死

余寶鋗江西德化人附貢生捐知縣道光十六年選授浙江景寧縣以才力不及降調復捐縣丞發貴州咸豐五年三月署麻哈州吏目四月仁懷縣敎匪楊漋喜竄麻哈隨知州何鉅擊却之尋盜魁陳大陸糾苗匪來犯復隨艇出戰賊退遂率衆攻拔下司巖下雞場等處扼茅坪山悉力堵禦未幾賊衆益衆勢不能敵退州城賊旋陷都勻府提督孝順兵至茅坪被圍寶鋗率團兵隨總兵佟攀梅援勦圍解自是無日不戰互有勝負巡撫蔣霨遠檄雲南降將陳得功隨孝順攻克都勻進援麻哈官軍勢復振得功旋叛去孝順軍潰賊大股圍州城三日寶鋗率鄉兵登陴固守賊不得逞七年城中糧匱兵益單寶鋗自督與城

存亡八年正月賊悉衆來攻寶鋗出北門迎敵不利入城賊已自他門入寶鋗持矛巷戰賊不忍害挾令去寶鋗怒罵掣矛刺之賊奪矛還刺死之

王汝揆甘肅伏羌人道光二十年舉人揀選知縣親老改教職咸豐間授平涼縣教諭同治元年陝西回匪竄乾鳳逼甘肅境汝揆上書平慶涇道萬金鏞曰賊西逼鳳翔必分黨由汧隴間道越秦安東北構煽醜類宜及其未至扼險嚴防不然內應且四起平涼擾則靈固狄河等州縣亦危矣言未及用賊尋由固關踰隴張家川蓮花城土回應之陷鹽茶及固原金鏞死之平涼戒嚴汝揆議盡毀城外民舍無令賊倚爲障蔽議不行未幾賊圍平涼汝揆協同守令督率生徒登陴固守衣不解帶者六閱月一日偵西北二路賊少可擊謁知府田增壽請率壯士縋城出勦又不許二年賊陷民舍掘地道納火藥轟之城遂陷人皆泣曰早從教諭言事豈至此乎汝揆還署易朝服北向叩首訖妻汪氏暨女一孫女一皆死乃從容就縊於孔廟鐘簷以殉汝揆性質實敦孝友居親喪不入內不御酒肉弟印揆客西甯久音信乏絕汝揆往尋之風雪中徒步千餘里

卒挈其弟以歸平生肆力於經籍家居課徒以窮經爲急輒點勘善本授之助以立品敦行其官平涼亦以是爲教期年訟庭無士子迹當城未陷之先兩月有門人馳書勸引疾歸謂可免難汝揆曰無疾而稱疾是欺也食祿而苟免非義也乃爲書與戚友訣略曰我生不辰逢天憚怒向者耳聞之今則目覩之平
都自二月以來圍困日迫飛書告急援兵無一至者汝揆妻女行當自盡決不受辱於賊手死者士之終今誠獲死所矣惟官卑不得展一籌以報國死有餘憾耳三年官軍克平涼總督楊岳斌請優卹六年總督穆圖善疏陳汝揆死事狀請照陣亡例議卹贈國子監助教銜給世職又命於本籍建祠以從死之妻女等附祀

清史稿

列傳

忠義六

齊清阿

蕭捷三

周朝元

蕭意文

周朝元
李存復
杜廷光等

賴高翔

畢定邦

劉德亮

陳大富

陳萬勝

周朝元
王居鼎

王之敬

陳忠德

周朝元
劉玉林等

黃金友

周朝元

蔡東祥

鄒上元

郝上庠

張遇祥

周朝元
張遇祥

曹仁美

毛克寬

周朝元
毛克寬

田興奇

周朝元
田興奇

馬定國

齊清阿字竹牋納喇氏滿洲鑲黃旗人早喪父母氏撫之家貧月夕至撤去鎧

火薈力過人取巨磚置平地拏擊之立碎以善射得名嘗隨扈盛京命射中靶賜克食道光六年發閩浙以都司用補浙江杭州營都司爲總督保爾準所賞英吉利船入犯獻燒船退敵策不用遞擢至廣東肇慶協副將三十年廣西金田亂起檄令率兵至兩粵交界開建縣堵禦匪二千餘船四十餘從縣北金莊偷越督兵進擊斬其酋二人餘敗竄自是不敢犯境咸豐元年廣寧屬江谷屯積匪滋擾廣東兵會剿竄廣西懷集一帶至賀縣屯聚廣西大吏以廣東各官惟知驅賊了事移文廣東詰之總督徐廣縉檄肇慶府知府蔡振武參將左忻赴廣西剿賊道出開建齋清阿以越境追賊須重兵制其死命願統駐劄開建之師同赴廣西守備薩國亮以無越境剿賊之責諫齋清阿奮然曰賊勢蔓延若畫分畛域何以紓民困而報國恩吾雖遼七旬精力未衰正臣子戮力時也遂與振武等督兵入廣西境至賀縣鋪門圩復進至蛋家坪距賊巢里許賊突避入田中火藥槍繩盪濕賊復分隊挑戰抄官兵後爇火燒山齋清阿督兵以

槍擊斃賊七十餘人值日暮孤軍無援深入被困事急掣佩刀連刃數賊肩中火箭猶拔箭作戰手刃執旗賊目一人刀折沒於陣手握斷刀牢不可開怒目上視慄然如生時咸豐元年四月也卹贈總兵賞世職予謚威烈

童添雲字鎮銘湖南平江人以貧偕弟必發走長沙爲戰兵饒膂力能開五石弓射必命中道光二十二年從提督楊芳出師廣東一日夷撲城有營在城外芳欲調入火攻甚熾募敢死者持令繩城出添雲應募少選兵皆入城芳奇之咸豐二年粵賊圍長沙與必發從守城圍解添雲語人曰吾觀諸將中能稱將才者惟塔都司與彭千總耳塔即塔齊布彭卽三元也會塔齊布練標兵添雲隸麾下三元時別將一營深相結納茶陵土寇起塔齊布命解火藥期三日添雲逾宿至咤曰何速也添雲曰遲恐有阻則貽誤大矣四年三月賊陷湘潭塔齊布帥標兵等拒戰添雲與必發從時賊踞城外民塵塔齊布好輕騎觀賊策馬入黃龍巷必發先驅巷狹而長甫入賊突出刺塔齊布必發急以背承之中肩塔齊布跳而免必發死之越二日師大捷湘潭平擢守備或賀之添雲慎然

曰賊戕吾弟雖官至一品弗願也願生啖賊肉耳何賀爲遂由湘潭轉戰至岳州從克岳州擢都司克武昌擢游擊克興國大治黃梅廣濟破田家鎮擢參將添雲身長面赤額以下痘瘢如錢橫矛陷陣槍丸如雨不少却賊見其旗輒相語曰童麻子至則皆走五年十二月攻九江城礮傷胸昇歸營卒發其笥衣數領而已同營皆痛哭之詔贈副將謚壯節附祀塔齊布祠彭三元字春浦湖南善化人道光二十五年武進士用衛守備借補千總咸豐二年粵匪竄湖南道州勾結會匪犯東安三元偕署守備周祿兩次迎勦殲賊多名三年叙省城防堵功用守備侍郎曾國藩檄寶慶知府魁聯募寶勇千名分屬三元五百人旋平江西泰和土匪於茶陵安仁四年隨副將塔齊布剿賊湘潭復其城六月進攻岳州是時湘潭潰賊由靖港竄岳州增壘設卡爲久抗計巡撫駱秉章暨國藩會督戰船塔齊布亦統陸路官軍約期並進先以疑兵誘賊賊擁至觸伏陸路來犯者三元沿岸截擊殲賊目一餘匪百餘生擒四十餘名嗣賊由高橋盡殪擊沉賊船百餘隻遂復岳州七月賊水陸大至官軍迎擊悉焚其船其由

撲鳳凰山大營塔齊布督率將弁進勦三元出奇抄截分路迎擊斃賊六百餘名八月匪於崇陽交界設卡抗拒九月三元偕候選知府羅澤南分路進攻抵其壘痛殲之尋隨塔齊布由嘉魚轉戰而前所向披靡直抵武漢塔齊布分軍三路一攻武昌一攻漢陽一由水路進勦時風勢順利官軍縱火焚賊船數十隻乘勢奮擊斃賊無數漢陽賊大懼棄城遁武昌賊亦遁遂復之三元並截於洪山要隘斬馘甚多十月偕澤南進屯馬嶺均直逼半壁山賊悉衆至官軍徑擣賊壘賊狂竄三元等分途截殺斃僞丞相林紹璋及僞將軍指揮等越數日賊復由田家鎮渡江來犯塔齊布擊卻之列隊江干賊偵官軍盡赴下游徑從上游登岸將掩襲澤南老營三元馳至率衆奮擊追至牛礮磯毀其船斃賊百餘餘衆潰遁時三元累功擢至游擊捷入進參將旋隨塔齊布進攻黃梅時湖北踞匪招安慶援賊併入廣濟塔齊布擊走之賊敗竄黃梅官軍追剿至大河埔十一月軍至黃梅塔齊布偕澤南攻北門三元列陣橋西以遏賊衝塔齊布澤南自城北溝港中取道入三元等亦由城西越二橋從柵門躍入賊驚竄官

軍四面兜圍其由營壘突出者殲滅殆盡克黃梅移剿九塊驛擒僞丞相余福勝大軍復渡南岸攻九江城三元戰績最多五年二月武昌復陷八月塔齊布病歿三元副澤南回援武昌九月復通城進師崇陽賊夜遁遂克之國藩疏保堪勝總兵人員三元得記名以總兵用會湖南防兵戰蒲圻羊樓峒失利澤南飭諸營移住羊樓峒遇賊上犯獨率三元及湘副中營官李杏春駐崇陽於是乘勝攻蒲圻斃賊數百賊首石達開率賊大至三元等分路抵禦屢戰多時斃賊百餘翼日賊悉衆來攻繞營三匝衆寡不敵遂歿於陣贈副將銜附祀塔齊布專祠諡勤勇三元忠勇識大體嘗戰濠頭堡忽訛言子瑾光陣亡左右以告三元急止之曰速擊賊無以吾子阻士氣督戰益急陣歿之日將出隊馬忽躍齧三上三墜衆以爲不祥杏春亦同時歿於陣

蕭捷三字敏南湖南武陵人由武舉投營効力擢千總咸豐二年以守省城功遷守備署湘陰千總四年賊陷湘陰坐免曾國藩奇其才檄領水師既克岳州沿江進剿閏七月敗賊高橋城陵磯進攻擂鼓臺捷三倍李孟羣楊載福等搜

捕兩岸伏賊俘馘甚衆乘勝追至六溪口平賊壘燬賊艦殆盡水陸各軍遂進
抵嘉魚以功復職授永綏協守備八月進規武漢水師分兩隊捷三率戰艦爲
前隊冒礮駛至鸚鵡洲擲火球焚沿江賊柵賊不支揚帆下遁急駛出賊前燬
其艦重渡江攻漢陽朝宗門外土城偕載福等殊死戰焚漢口以內賊船皆盡
會陸軍破花園賊壘武昌漢陽同日復進都司時餘賊尙據襄河乃扼新灘口
泝流進剿賊艘千餘連檣下駛迎擊敗之追至上游突有悍賊數舟用火彈撲
營灼捷三頭面手足幾死仍裹創力戰追剿二十餘里襄河肅清尋偕彭玉麟
敗賊蕲州釣魚臺骨牌磯遂大破田家鎮逾九江直趨湖口先是江西吳城戰
艦數百淪於賊賊質沙石沉湖口截江路於對岸梅家洲築城環列巨礮拒官
軍十二月捷三駕火舟徑衝賊柵燔賊舟百數乘勝駛入內湖泊大孤塘游擊
克歸賊以小艇雜外江巨艦中潛縱火水師驚潰國藩大營泊九江北岸亦被
焚襲捷三陷入內湖內外隔絕以忠義激勵將士軍心彌固五年國藩入江西

益大治水師疏薦捷三忠勇曾游擊四月敗賊雞公湖復都昌五月賊由大孤塘上犯捷三逆擊屢敗之青山奪回舊所失帥船及賊魁艨艟巨艦秋七月國藩檄平江營陸軍渡湖約水師夾攻湖口克之賊退保石鐘山堅壘捷三率十七舟銳進遙見陸軍剛石鐘氣益奮方衝越賊艘上下夾擊而下石鐘山梅家洲賊壘破齊發捷三中敵死詔贈副將謚節愍賞世職九年建石鐘山水師昭忠祠祀死事將士三千餘人捷三爲之冠周清元字玉泉湘陰人世業農時與羣兒角戲於牧場立表數十步外飛石命中掘溝數丈跳越之能往復十次羣兒皆出其下同里左明志以拳勇鳴於鄉招致門下傳以技言天下幸無事有事則清元暨子光培皆驍將也咸豐二年冬賊自益陽竄臨資口清元混迹市中默識其軍卒舟艦糧械之數聞提督向榮尾追至八字哨相距三十里遮道見榮曰廣西能戰賊不過三千餘人餘皆裏脅也臨資口四面阻水湘包其東南資繞其西北數十里平原渺無障蔽賊所擄民船笨重不易行一炬可盡也請以兵扼要路使不得偷渡賊糧盡旬日當餓死何怯而不爲榮不省固請榮

叱之退賊遂從容駛去及東南糜爛清元嘆曰賊自走絕地向公縱之去能辭咎耶三年圍藩大治水軍清元與光培同應募隸千總楊載福部下載福嘗爲湘潭載福等帥水師進剿時賊掠民船數千旗幟蔽兩岸水軍本新募又經岳州新挫望之奪氣清元言於介衆曰民船不能戰一炬可盡也遂隨載福猛擊逼賊巨艦賊倉卒以瓮盛來擲清元手接而回擲之中賊渠載福躍登賊舟清元隨躋身入用火球分擲左右舟風烈火大熾賊爭赴水死從軍見火起急乘爭進分途縱火燔賊船皆盡以功拔充哨官隨攻克岳州嘉魚八月攻克武漢受重創力疾進剿蕲黃田家鎮皆有功五年武昌再陷隨彭玉麟回援駐金口扼上游每戰必身先不授創不止六年胡林翼攻武昌經歲不下議先斷糧路困賊乃檄水師清江面賊船清元時典水師副後營率先下駛越武漢二城直駐沙口屢敗賊駐沙口八閱月賊糧斷城賊乃困十一月二十二日清元由沙口帥師上擊先破賊浮橋斷其鐵練大戰黃鶴樓下被礮傷力戰不退各營繼

之遂克武昌未幾以創重卒於軍年二十有六清元時已洩保參將詔副將例議卹謚貞愍賞世職石鐘山昭忠祠捷三冠而清元次之

蔡應龍江西樂平人由行伍洩升千總道光三十年升廣西永甯營守備咸豐元年七月提督向榮擊賊於東鄉馬中礮斃應龍以所乘馬授榮步行接戰立斃賊三人榮乃得免欽差大臣賽尚阿以聞授梧州都司二年曾游擊三年五月江南賊掠商船泊觀音門外時榮官欽差大臣飭應龍偕知府陳景曾馳往諭以大義船戶各憬悟聽命自焚其船押船賊無一得脫者計焚燬及逃竄千餘艘遣散水手萬餘人時賊踞城外街與雨花臺相犄角應龍潛師過雨花臺至街尾縱火燒賊壘賊驚遁官軍截擊之斬馘無算四年升全州管參將五月大兵圍逼江濱賊拒守不出應龍登鍾山望太平門外賊勢賊見官軍少包抄而上應龍且戰且退以伏兵擊賊大敗之時賊船屬集於江北七里洲應龍駕小船入潛薄北岸射火箭燬其船二十而大隊賊船適至應龍舍舟陸戰然破擊沉賊船數隻閏七月擊賊洪武門斬首數百級復連敗賊高橋門等處三日

斃賊數千賊猝於雨花臺洪武門突出撲七星橋營壘應龍擊卻之旋升楚雄
副將十月城造木障上施木城列巨礮沿南岸下駛至八卦洲閣淺應龍乘夜
發火燒之賊爭赴水死官軍突煙上簰擒斬餘黨淨盡時浦口九洑洲久爲賊
踞以梗官軍陸軍攻之賊船來援應龍統帶紅單拖罟各船截擊賊敗遁官軍
遂奪九洑洲十一月赴秣陵關查勘地勢還言於榮請乘虛襲板橋賊營既可
援應水師更可抄出雨花臺上坊橋諸賊營之後遂率千人間道襲擊街外賊
敗走餘賊憑壘死守復急攻之焚其壘五年九月官軍爲蕪湖援賊牽制應龍
攻奪米家嶺賊壘二廣福磯賊壘四賊旋於丁橋一帶袤延築壘其地則外圍
塘港中間小路應龍率師攻擊時許遠壘軍退秀賊過而擊之殲溺無算六年
江甯賊分股至楊家瑞陳莊築壘欲窺倉頭應龍與總兵張國樑分路衝擊斷
賊爲二賊敗竄歸巢三月督兵攻拔炭渚下獨街太平橋一帶賊壘七燐沿江
賊卡十餘處殲斃四千餘人五月赴援常國戰歿榮以聞詔以應龍在密潛力
戰身亡命優恤謚勇介給世職

蕭意文字章甫湖南湘鄉人初隸羅澤南麾下從征江西湖北累以功至參將咸豐八年李續賓征皖北從克潛山太湖舒城桐城進攻三河鎮三河鎮者舒盧適中地城屯糧械以濟廬州金陵者也築大城環以九壘備嚴甚續賓銳意攻取十月分三路進勦意文攻河南老鼠夾賊坐冒礮石先進各營繼之縱火焚其壘賊大亂意文受礮創殊死戰奪柵入九壘皆下賊盡殲無脫者官軍傷亡千餘意文以創重歸營卒詔贈副將諡剛勇續賓部將以敢戰著同死三河之難者彭友勝劉神山均見續賓傳周福高字子祥亦先從澤南援勦江鄂續賓接統湘軍福高無役不從以小池口梅家洲諸戰尤用命累官至參將軍抵三河援賊虜至諸將知戰必敗無鬪志福高憤然曰男兒效力疆場寧可逆計禍福敗則死耳吾輩畏死不來矣既至此敢惜死願壯志遂慷慨赴敵力戰而歿詔贈副將諡敏烈彭志德字道一隸湘軍每戰必爲前驅恥居人後累官至參將三河之役諸營皆潰志德率所部貫賊陣突出死者過半身受重創走入中右營與副將李存漢等竭力死守越三日營陷死之詔贈副將諡武烈李存

漢以鄉勇隨剿廣江西江湖北等省累官至副將未抵三河鎮之先進攻舒城者凡五營並西北面賊壘獨存漢一軍攻東南城門壘既破城賊以存漢故弗能救旋棄城遁追斬無遺續賓被圍三河調桐城戍兵未至事迫暫必死存漢等皆跪泣願從死以報國續賓陷陣卒存漢與道員孫守信等堅守待援力持三晝夜營陷存漢率壯士衝賊陣越濠走保桐城賊大至城破存漢巷戰歿詔贈總兵諡果愍福高志德存漢均湘鄉人並祀祀續賓祠同時游擊杜廷光王懷興均湘鄉人均以苦戰陣亡

賴高翔福建和平人少入行伍累功至千總咸豐三年潮州小刀會匪糾土匪陷漳州高翔從總兵饒廷選討平之擢漳州城守營都司四年漳浦古竹社匪戕官擾亂築石堡自固官軍久攻未拔高翔偕龍巖游擊馬至元漳州鎮左營游擊惠壽等冒雨直搗賊巢賊固守不下高翔夜偕勇首畢定邦潛師梯登克石堡斬獲無算餘匪乘夜奔竄窮追至海汊皆赴水死漳州平六年江西邊錢會匪糾粵賊陷新城貴溪謀攻廣信知府沈葆楨以血書告急于廷選高翔時

從廷選駐防玉山倍道赴之廷選軍素無部伍唯高翔與定邦以敢戰名行不齎糧止不爲屯故赴急易軍至廣信寇旋至背城擊賊屢破之賊來益衆幕府文員皆懼慾廷選還軍高翔定邦怒曰諸君怯何如勿來今我在城中賊不知我虛實以我能援廣信後路必有大軍若棄城遁賊知吾兵寡氣益壯追殲立盡尙何浙境之可歸耶當爲諸君決死戰翼日觀吾破賊乃偕定邦開城縱擊自晨至日昃盡毀城外賊壘斃賊三千餘斬渠帥數人賊駛遁論功以游擊用廣信圍旣解廷選還浙高翔留駐廣信明年七月樂平賊踞縣城將軍福興檄高翔往剿賊衆五六千分道抗拒高翔督都司馮日坤勇目刁士樞等迎擊賊殊死鬪高翔突陳負創戰益力擊斃黃衣賊目橫衝賊營賊大潰乘勝蹙之生禽僞指揮遜天侯等餘賊竄景德鎮遂克樂平移防弋陽八年二月補游擊臨江餘寇合撫州賊趨廣豐福興退駐廣信高翔自弋陽聞警赴援轉戰至鉛山之石塘賊勢益盛兵寡援絕力戰死贈副將給世職畢定邦字康侯山東淄川人以武童投効漳州軍營小刀會匪陷漳州紳民輸欵游擊饒廷選約內應定

邦率建勇助勦戰最力從復府城以次討平雲霄漳浦賊匪斬獲尤衆復討平仙遊會匪總督王懿德檄定邦率仙遊得勝之師間道馳勦冬夜四鼓蛇行進將賊堡附近釘桶竹籤拔除黎日奮勇梯登與高翔同有功復與高翔同解廣信圍累擢至參將七年粵賊竄圍建寧分黨陷邵武浦城定邦奉檄援閩率部衆疾趨抵甌寧直前搏賊賊由建陽逃竄復糾鄉團夾擊賊斷七星橋抗拒令鄉團伏山腰張幟以疑之躬率勁旅迫橋以輕兵由淺處渡河前後合攻賊殊鬪黃衣悍黨數十屢出盜決盡殪之賊大奔毀賊壘十一焚逆舟六十直逼建寧臨江門大股賊復來犯縱擊敗之斬悍目六斃賊數千踏平城外賊壘遂解建寧之圍進擣邵武克之遷參將復督鄉團勦平浦城之賊閩邊肅清以副將升用進勦白水墩賊匪中彈卒于軍年二十六給世職謚愍烈與高翔同祔祀廷選祠

劉德亮湖南長沙人咸豐四年投効水師營隨道員褚汝航等破岳州踞賊又隨知府彭玉麟克漢口鎮五年勦賊武漢蕲黃間大小數十戰德亮皆衝鋒陷

陣又隨軍斫斷橫江鐵鎖擊沙洲爭渡之賊嗣偕都司胡友亮堵賊童司牌焚內湖賊艇並燒浮橋尋與游擊孫昌凱會勦黃梅踞賊破其要衝八年福建陸路提督楊載福等攻九江發地雷轟塌城垣賊由龍口河傾壁出竇德亮率所部登岸截擊殲數百人復府城又隨載福軍進規安慶先破大通賊壘趨銅陵德亮麾隊攻其北直逼城下身受七傷猶裹創仰攻不退池州賊慕高餘來救安慶掳民船渡至樅陽載福令隨總兵陳金鼇等馳往截勦師至羅塘洲對樅陽港內木椿鐵鍊層層攔截泊賊船百餘副將王明山等登洲轟擊督勇鳬水過港賊驚潰官軍盡焚其船遂率隊攻樅陽街尾金鼇攻樅陽街頭賊排礮抗拒德亮鼓衆飛槳進截新河鐵鍊麾隊登岸直攻中路副將李朝斌抄賊壘後官軍三路進逼賊潰平其五壘遂北二十餘里賊屍枕藉累功擢至參將十年再攻樅陽破鮑家村賊壘斬晏家塘賊魁時池州賊以殷家匯爲犄角載福率步隊往攻而令德亮等以舢舨夾擊斃匪甚多獲槍械馬匹稱是殷家匯賊壘既平乘勝攻池州德亮由東門外卡緣牆斬關入破其石壘盡燬東門外房屋

復分攻南門獲逆艇八德亮奮不顧身執旗先登中礮歿於陣載福上聞詔令
議卹謚威毅給世職

陳大富字餘庵湖南武陵人起行伍道光末以外委從提督向榮勦賊廣西回
援長沙追賊武昌屢著戰績游擢常德協都司進勦江甯轉戰蕪湖鎮江間以
功賞花翎咸豐七年隨提督鄧紹良復寧國屬之灣沚黃池進游擊尋援浙江
敗賊金華處州除參將賊竄婺源石埭太平先後擊走之以從復涇縣拔南陵
擢副將八年十一月潛沚師潰紹良死大富左次南陵明年四月賊犯南陵百
計環攻不得逞十年三月圍始解帝嘉其功除皖南鎮總兵五月爲侍王李侍
賢圍寧國分黨攻金壇南陵時提督周天受守寧國總兵蕭知音參將周天孚
等守金壇大富仍守南陵賊衆數十萬官軍勢不敵各血戰死守待援七月金
壇陷賊屠其城天受知寧國不守則盡出城中兵民數萬令各逃生自誓以身
殉寧國扶老携幼走南陵大富開門納之八月甯國陷賊圍南陵益急城中食
且盡大富以忠義激厲軍民皆誓死弗去夜遣壯士繩城出乞援於水師前後

數輩爲逼賊遮獲最後乃得達時提督楊岳斌統水師奮袂起九月揚帆進泊
魯港聲言攻蕪湖密飭各營扼要隘十月水師驟登陸出賊不意悉燔港左右
城屯圍賊爭馳奔魯港擣且亂大富乘城遙望見拊髀曰援師至矣遂出城夾
擊賊披靡追殺十餘里與援師會殲賊萬餘撲水死者無算圍立解城中兵不
食月餘僅存皮骨民餓殍相屬岳斌船粟往哺歡聲雷動大富方繕城垣固守
岳斌力言形勢不便乃帥師屯上游市民從者十餘萬大富前後守南陵始被
圍經年繼六閏月以蕞爾城抗巨寇忍死待援卒燐凶燄由是以善守名於時
十一年正月會水師復建德二月李世賢率黨數萬竄景德鎮大富率兵四千
自建德往援賊銜恨以計陷之盡伏悍賊牛角嶺柳家灣回龍嶺等處率隊由
鎮南雙鳳橋竄李村誘官軍佯敗遁大富率衆前進躍馬爭先參將田應科等
繼之賊突從鎮東抄出伏賊盡起大富挺矛力禦敵洞左乳血淋漓仍裹創鑿
戰賊從間道製焚我營應科及游擊蕭傳科胡占鼇都司胡鳳雖熊定邦吳定
魁千總羅廷材皆戰死大富見營中火起下馬北嚮叩首曰臣力竭矣投李村

河死贈提督諡威肅建專祠南陵應科等並祔祀

陳萬勝湘潭人官軍規復江甯圍攻將四年用地雷法穴城三十餘處皆不就同治三年六月提督李臣典請從賊礮最密處重開隧道統帥曾國荃蹙之命各軍於城下築礮臺護地道別遣軍士刈濕葦蒿艸積城下覆以沙土陽爲肉薄登城狀賊用全力扞爭礮彈雨下是月十五日賊出死黨燒礮臺官軍血戰竟夕十六日地雷發遂克僞都萬勝與郭鵬程王紹義則於先一日死之萬勝初隸吉字營從大軍規江甯皆爲軍鋒累功擢副將地道既成國荃入隧親勘之悍賊出太平門直犯地道別從朝陽門出數百人燒各礮臺及所積蘆蒿萬勝督隊血戰殲百餘人力竭死之賊裂屍竿其首於城鵬程湘鄉人先後隸羅澤南李續賓營累以克九江援寶慶諸役擢副將又以皖北肅清以總兵記名簡放紹義同邑人少入湘軍累功亦以總兵記名簡放是役也賊以礮火轟擊密如飛蝗皆奮前督攻同時歿於陣城復以三人死綏事上聞有詔惋惜各賞三等輕車都尉世職諡萬勝武烈鵬程勇烈紹義剛毅

王之敬浙江奉化人道光二十九年由水勇散目隨捕江蘇洋盜出力拔補水師千總咸豐三年粵匪陷江寧之敬管帶艇師接戰甚勇升守備五年四月由浦口會各營連船勦賊燬賊船獲勝擢游擊尋升太湖協副將十年遷江南福山鎮總兵適值蘇常淪陷太湖三面皆賊之敬孤軍設守屢挫賊鋒東西兩山賴以安堵十一年正月賊忽率衆圍撲東山之敬迎戰失利東山遂陷之敬失所在嗣之敬之子祖培尋父屍至教場之西見所畜犬臥土堆上向之哀號知有異掘之得之敬屍卷以席傷痕徧體而面目如生詢居民係於賊船退後榜獲掩埋者不知其爲總兵也之敬性忠勇號能戰至此以寡不敵衆被害人爭惜之贈提督銜諡果愍建祠於太湖東西兩山

陳忠德字仁山湖南清泉人操舟爲業咸豐二年粵賊圍長沙掠舟北渡遂陷賊中忠德饒勇有智略僞盡力于賊久之大見信任十一年道員曾國荃圍安徽忠德自拔來歸由是官軍始盡得賊中虛實五月從攻菱湖兩岸賊壘平之從克安徽及平江岸各城陷擢千總李鴻章援上海選將得程學啓郭松林于

曾軍忠德亦屬焉從學啓破柘林南匯川沙金山青浦各城墮擊退虹橋大股
賊衆會克嘉定並解北新涇四江口之圍二年四月崑山新陽既復從規蘇州
六月攻破花涇港同里鎮蘇州賊水陸萬餘來援忠德力戰負重創卒敗之遂
收吳江震澤學啓軍益進逼婁門外石壘十月十九日僞忠王李秀成僞慕王
譚紹洸率萬人出婁門拒戰學啓令忠德等擊敗之李譚二逆走入城石壘遂
下賊計窮其黨鄧雲官等殺譚逆以城降蘇州復賞勇號累以功擢副將加總
兵銜後以克嘉興擢總兵隨攻湖州中礮沒于陳照提督例賜卹復吳之役死
於戰者攻青浦爲都司劉玉林守備熊得春攻太倉爲參將王國安攻長洲望
亭爲把總沈玉德攻無錫爲游擊汪龍治皆奮身陷陣優卹給世職

黃金友字益亭湖南人初從軍廣西轉戰湖北江西安徽積功至副將賜勇號
金友躬犯矢石創徧體咸豐十年江蘇巡撫薛煥奏調駐金山衛十一年賊犯
浙江平湖陷乍浦東略姚廊窺金山金友迎戰大破之遂平新倉賊壘督總兵
平湖知縣汪元祥乞師規復金友壯之檄金山華亭奉賢各營同赴援躬督師

進駐平湖之廣陳元祥率民兵迎勞請爲鄉導賊連營三十里一鼓破之賊會嘉興援賊分道來襲金友迎禦於十字街賊大集相持久金友右脅被斬猶奮死力戰士皆奮呼無不一當百賊始郤而金友創發不能騎昇至明珠巷卒贈提督卹如例麟瑞字寵人滿洲瓜爾佳氏乍浦駐防父觀成官南川知縣有德政蜀人爲立生祠稱小關廟以關瓜普通也麟瑞以筆帖式厯印務章京咸豐十一年賊犯乍城從副都統錫齡阿出督戰偕弟鳳瑞雲瑞手燃巨礮縱擊賊驚郤拔出難民無算城陷麟瑞率衆巷戰力刃數賊賊環攻被鎗歿於陣贈副都統予世職祀昭忠祠諡忠節雲瑞陷賊不屈死鳳瑞出從李鴻章軍轉戰江浙攻和州含山以百騎計破賊萬餘鴻章嘗稱爲非常人克太倉等處皆有功贈將軍麟瑞督戰時本爲副都統護印至死不釋後其子柏梁官乍浦副都統蒞任拜印啓視斑斑猶見血痕云柏梁自有傳

蔡東祥湖南湘陰人充湖北水師水勇咸豐四年粵匪再陷武昌與漢陽爲犄角東祥隨攻武漢兩岸賊多有斬獲隨攻鮀魚套焚賊船通糧道湖北提督楊

載福追賊田家鎮賊聯木簰置礮石於半壁山拒敵東祥奉令以火具鎔鐵鎖
斷之水師驟下燔賊艘無算遂拔田家鎮於湖口望江九江東流建德樅陽蕪
湖銅陵諸戰皆有功累擢至副將同治初布政使曾國荃親率十二營與道員
劉連捷分道擊江岸分踞賊東祥分攻桐城克雍家鎮又會攻巢縣含山和州
與裕溪口江心洲梁山各隘復太平蕪湖二縣陸軍進逼金柱關兵部侍郎彭
玉麟率東祥等分水師爲三隊連環轟擊躍上隄埂短兵擊刺積骸滿渠關破
並剗三汊河上駛渡賊壘江岸肅清先後賞雄勇巴圖魯等勇號加總兵銜東
祥勇決有謀七年湖口之戰大風舟入口爲賊所抄不得出所領長龍艦一悞
旗與賊艦混須臾風止急攀貫賊陣出賊覺追之不及是役失長龍艦五舢舨
十三將弁死者三十人而東祥舟獨完十一年安慶之戰水師屢挫賊易視
之見輒爭擊東祥請易戰艦白旗爲紅旗賊疑爲援兵駭愕間急卒所部乘之
賊以敗軍威復振旋調江蘇勦賊偕副將歐陽利見率淮陽水師巡防三江口
戰嘉善奮勇駛進西塘援賊猝至兩岸夾攻被槍子傷落水死東祥轉戰克敵

素稱勇敢照總兵例議卹贈提督銜給世職

鄒士元字蘭亭湖南湘鄉人咸豐初投羅澤南營澤南自江西援湖北取道崇
陽通城進攻佛嶺賊卡士元隨隊由佛嶺北攀巖先進與諸軍夾擊破之賊自
崇陽三路來攻士元從破右路克崇陽咸甯諸役均有功擢千總五年賊犯湖
南巡撫駁秉章檄肅敏江募勇助勦號湘果營士元隸焉從援江西克萬載復
袁州累擢都司秉章督蜀檄黃純熙率果毅營從士元方假歸純熙招借行充
營官賊曾何國樑彭紹福率黨攻定遠急定遠東北瀕江賊屯東南造浮橋江
上遏外援士元從純熙疾赴師至興學場賊分黨逆戰士元從右路襲擊賊大
奔乘勝追至祖師殿毀沿途二十餘壘躉江干何國樑危水遁士元追斬之
彭紹福聞敗糾黨來援踞燕子窩二郎場等處二郎場者絕地也四山壁立烏
道一線西北阻涪江純熙恐失寇不待軍集率千人追之上元慮有伏進至距
二郎場二十里遣諜偵之不見賊土人皆言賊去遠夜半至燕子窩突遇賊騎
進逼之賊繞山竄入場純熙知中伏分道搜之伏盡發官軍偏處泥淖間不能

成列上元馳救突圍入手刃數賊賊環刺之死純熙亦歿定遠之捷上元擢參將死事聞命視副將例賞世職附祀純熙祠

郝上庠直隸沙河人由武進士授侍衛道光二十六年出爲山東曹州鎮標守備累遷至武定游擊咸豐四年韓莊盜起山東巡撫張亮基慮徐州道梗知上庠饒將略荐署兗州鎮總兵賊帥朱廣田寇鄆蘭沂莒諸屬上庠率所部會鄆兵擊走之賊南竄贛榆上庠追及殲其衆斬廣田於陳摶參將五年山東金鄉賊陶三相爲亂上庠疾馳誅其渠餘衆驚潰事得解時海上多盜連舟窺諸口將北犯天津洋山東巡撫崇恩疏請以上庠攝登州鎮總兵專司防務往來策應先後禽斬賊首李希夢等以功敘沂州協副將上庠每戰輒身先士卒不避艱險以勇武受上知賊平手詔褒美命以總兵記名十年署曹州鎮總兵以疏防擒寇入境奪記名留鎮如故十一年官軍取濮州河北肅清上庠以屢勝功復官賜提督銜九月賊潛渡濮范上庠不能禦與賊遇陽穀又戰不利爲山東巡撫譚廷襄所劾落職十月克張秋鎮移兵會營總烏爾棍扎布游擊緒倫攻

堂邑賊戰於丁家廟敗之賊益衆來援上庠奮擊不退馬蹶墮地拔刀殺賊數十人力竭戰死命優卹設勳勇聊城士民念上庠捍賊功請立祠東昌從之
張遇祥字瑞麟直隸新樂人年十五能開兩石弓道光十五年成武進士授乾
清門侍衛二十一年選浙江衢州城守管都司公廉能得士卒心咸豐二年在
壽張游擊任匪林鳳翔李開方率粵匪圍懷慶山東巡撫李傑檄遇祥從征當
一路爲士卒先所向披靡經略勝保嘉其勇益威奮督盜夜渡河戰自寅至申
始奉令而返三年秋曹縣捻匪亂起攜親兵百人入城擒首陳九千歲張四大
王擁衆擾城市無敢擾者遇祥密令伏兵於外變服入賊巢詐言他事賊優禮
之夜分酒酣遇祥驟起蹴賊首腦迸裂死賊羣起且戰且走出巢伏起賊皆駭
散又偵知張四大王所在託病不出密令親信軍士夜馳百餘里入賊室禽之
粵匪攻臨清率部卒二百人夜砍賊營而入殺無算所部五十餘人被圍復匹
馬盡決者三擣之出無一失者右股受矛傷裹傷屢戰賊不敢當創剝不能起
巡撫親驗之諭令歸養新撫宗恩疑規避奏參褫職令解赴山東既到標崇恩

始知其誣慰勞備至時金鄉魚臺嘉祥費縣鉅野鄆城城武七縣被捻匪所陷遇祥招舊部六百人自爲一隊復七城餘孽悉平復原官以創發回籍調養十一年山東教匪糾回捻北犯直隸勝保久無功乃肅書聘遇祥且令募勇自隨告至即招募鄉中子弟五百人星馳而往一戰敗之勝保南移館陶進次尖莊賊虜集尖莊南遇祥復馳救賊奔民爭奉糗餌漿粥軍得一飽督隊回尖莊勝保又退守館陶遇祥趨謁之賊又欲渡河勝保令往堵河口遇祥曰士卒昨日一飯後枵腹至今烏能戰耶勝保曰汝速往吾即遣人執笠瓶從汝也遂率隊趨大河士卒覓食不得賊已先渡遇祥匹馬陷賊陣戰至日暮下馬而搏天明回顧所部餘數十人急揮之去曰同死無益吾身經數百戰未曾一挫今勢至此不斬賊渠不生還也縱馬示不返士卒益感奮督同死遇祥左右射當者皆殪賊以長戟鉤斷其弦乃舍弓提刀戰至下堡寺日近山從者餘六人忽見大纛下賊渠至將聳身刃之時已戰兩晝夜飢甚舊傷皆發復中矛數十處力既竭遂歿於陣時咸豐十一年十一月七日館陶臨清諸村堡爭建祠以祀兄遇

清字芳辰武舉人官廣東海防至督標參將檄援廣西平南縣提刀巷戰賊槍刺其腹腸出益奮戰折其刀手執木棍抗拒賊攢擊死之平南士民亦立祠以祀

曹仁美字擇庵湘潭人初隸曾國荃軍援江西戰吉安天華山克之復景德鎮浮梁與有功咸豐十年賊據黟縣建德勢張甚時仁美改隸曾國藩麾下官軍屢戰不利堅壁與持仁美曰兩軍相持日久當乘其懈而擊之否則援至難圖也會夜大霧仁美率所部摩其壁更籌寂然迺梯而入手刃司柝者縱火焚之衆軍爲承斬數千級賊大潰遂克之獲器械無數遷都司賜號勳勇巴圖魯十一年國荃攻安慶久不下國藩遣仁美往助僞英王陳玉成合江淮賊來援國荃督戰中流矢仁美負之登高揮諸軍奮擊城遂下以次從克大江兩岸城陷同治元年從圍金陵仁美屯雨花臺西國荃以城賊糧將匱爲坐困計令諸軍毋與戰凡四十有六日仁美恚曰當賊不擊將何待迺以其軍出毀石壘賊頗死國荃以其勇薄責之遂引疾歸投入李鴻章軍圍攻常州鴻章檄劉銘傳等

偏師直搗仁美率衆繼進大破之三年克金陵餘賊突出鏖戰湘淮諸軍屢挫於奔牛銘傳軍被圍急議者欲退保丹陽仁美曰賊雖銳猶困獸之鬪也出奇兵勝之次日與諸軍略其東南賊衆轟擊以拒仁美膝行至礮旁連擲火彈賊駭走官軍鼓噪而登夷東路各壘賊自隔河來犯仁美夜乘輕舸率健卒數人躍輪船殺賊十餘以火攻之船盡裂奔牛賊平軍無錫執游兵擾民者斬以徇至是詔以總兵記名四年僞侍王李世賢陷漳浦鴻章遣仁美與郭松林俱航海赴援既至甫築壘賊大至仁美令諸軍無動獨率所部三百人迎敵賊疑有伏不敢前仁美伺懈擊之賊奔南靖乘勝薄城下率衆先登世賢巷戰逾時斂西門而遁遂復漳州下南靖擢提督進規漳浦賊分門堅守仁美與副將張遵道分路迎戰賊稍郤遵軍競進攻克之進復雲霄聽旋歸以兄仁賢領其衆五年國荃巡撫湖北檄仁美與松林募軍進至唐縣會東捻自信陽竄入遇於德安薄而擊之追至鍾祥白口師分三路入仁美攻其左抵羅家集遇伏與戰力竭死之賞世職予鍾祥及原籍建祠

毛克寬湖南漵浦人咸豐初兄弟五人同入田興恕虎威營皆以善戰著克寬尤驍勇六年隨興恕援江西克萍鄉萬載復袁州後從圍臨江吉安賊來援城賊填濠伺夾擊克寬從拒援寇大破之太平城燒賊屯四十七遂克臨江湖南巡撫駱秉章以克寬久經戰陣勞績甚多聞於朝時貴州苗教各匪屬衆復隨興恕赴援連克錦屏等處克寬功最僞翼王石達開犯湖南窺寶慶克寬從興恕回援破賊寶慶城南黃塘復敗賊七架坡賊合圍攻興恕壘克寬日夜搏戰援軍既集內外夾攻賊敗遁追及九黎橋自揚鋪復大破之賊走廣西遂以參將留湖南黔亂復熾朝命興恕爲貴州提督督辦軍務克寬再入黔逆曾安太然及僞元帥韓成龍僞招討覃國英等圍攻印江石阡克寬率虎後營分道進擊平陽等處賊屯百餘軒韓成龍覃國英拔出難民三千餘人遂解城圍乘勝復甃安兩旬之間蕩平數百里興恕疏薦克寬贍識俱優屢獲奇捷隨征六載黔陷歸化定番等城克寬迎勦破籠溪猴坪賊巢進駐赤土督軍攻定番長寨

克之復解安順安平城圍十一年補大定協副將移駐大水橋通篤道賊乘營
壘未成遣悍黨分股來犯克寬分隊逆戰敗其左右翼中路賊死抗不退克寬
策馬蹀陣往來盪決刃悍賊數十賊衆披靡會飛砲中馬徒步奮擊身受數創
歿于陣年三十三詔贈總兵銜建專祠賞世職弟克佳官把總戰歿臨江先死
黔苗之亂者有邢連科原名正培貴州貴陽人台拱廳黃施衛千總咸豐三年
苗叛攻城連科迭乞援累月兵始至連科蒐殘卒夾擊出陷陣而援兵先潰連
科轉戰十家寨陣亡子士義舉人主講平越先聞警馳赴守城守至是召家人
環坐縱火藥自焚僕諱年有婢玉蘭從死千總署堂皇之下列尸二十有一巡
撫將爵遠田興恕先後以閭門殉難聞賜祀予世職係以謙曾孫端翰林院編

修

田興奇湖南鳳凰廳人隸田興恕虎威營咸豐六年從平郴桂茶陵以功叙外
委興恕援江西進攻袁州興恕躍馬突賊陣興奇隨入各軍繼之遂獲大勝賊
潰奔數十里分宜袁州復擢千總加守備銜賞藍翎七年師次高安陰岡嶺興

奇斬僞監軍姜萬祥總制艾得勝攻復臨江擢游擊換花翎八年夏貴州寇起隨興恕往援敗賊黎平夷其營轉攻漢砦斬馘二十餘級夷賊營十餘處追北十八江斬僞侯黃必升等二十一人擒僞將軍伍雲童黎平復以參將留湖南補用加副將銜九年春石達開率衆十餘萬犯寶慶興恕軍適自黔還道其境駐軍九鞏橋賊乘其甫安營悉衆來犯隨興恕擊卻之是夜三鼓興奇率壯士八百人襲賊營賊驚潰死亡相屬餘衆奔逃寶慶平擢副將十年從興恕勦貴州苗匪興奇領虎勇二千人至石阡戰龍潭斬賊僞元帥韓成龍覃國英盡平其營越二日再攻賊走馬坪斬馘甚衆並拔出被擄老稚男女三千餘口捷聞賜衝勇巴圖魯名號加總兵銜仍駐石阡六月擊賊雙溪中伏死之時年三十二詔贈提督銜諡剛介田興勝亦隸興恕部下平郴桂援寶慶及援江西同有功累擢至守備又隨勦貴州各匪破籠溪解餘慶圍偕都司沈宏富等進屯雄黃壘小嵒等處賊於老巢立堅壘十八悍黨萬餘分布左右山梁興勝約遊擊楊巖寶兩路夾攻自與沈宏富攻左路各寨都司田興考由右路繞山後出擊

並設伏後路計定率兵直衝首山梁賊數千迎擊興勝督隊衝突鏖戰逾時賊沿山潰遁管內賊開卡狂竄興勝親入賊陣手刃悍目二宏富督後隊合圍先毀其右寨移攻左寨破之乘勝追襲有黃衣賊目率黨死拒興勝射之蹶擒而梟示餘賊大潰追十餘里墮崖死者無數是役共破堅寨十餘座陣斬僞元帥韓進楊正閏等二十餘人馘千五百餘級乘勝平賊管十餘座復隨總兵劉吉三等夜攻三角莊賊猝不及防驚而潰毀其連營三座適松坪賊首石復明糾玉華山匪黨數萬分六股來撲興勝偕遊擊劉祖得合兵迎勦都司徐祥太與興考各率所部設伏山麓及民舍中賊遇伏大敗死亡枕藉追至木影頂地險峻賊寨負隅難拔因收隊明日同知唐繩武等由間道出松坪之後先取老巢興勝奉令偕嚴寶等攻木影頂攀藤而上賊礮石交下軍少卻興勝橫刀躍馬奮身進飛登寨牆賊矛攢刺捉其矛而上揮刀連斬悍賊十餘諸軍繼進賊散走官軍四面兜剿殲除殆盡擒其渠秦官寶劉老移等誅之松坪黃號賊衆五萬連營三十餘興勝等即時裹糧疾進悉銳攻之賊傾巢出拒官軍奮擊敗之

有僞扶明王者悍曾也手斫敗退賊挺身來抗興勝自與搏戰殪之餘賊猶相持宏富等已從後破其巢賊乃潰竄官軍夾擊斬馘四千餘級松坪賊壘皆平乘勝攻猴嶺拔之旋偕宏富移勦甕安先破小山寺營馬安營賊壘百餘間兩分三路進攻紅岡堡興勝策馬陷陣連刃數賊諸軍繼之立破其巢燭追數里會甕安賊來援敗賊亦返關興勝偕宏富等縱擊射斃賊曾數名賊亂返奔官軍急躡之賊不敢入城奔至玉華山老巢甕安遂復自是入省之路始通興勝疏稱興勝每戰單槍陷陣不計生死實屬忠勇可嘉詔以遊擊拔補給果勇巴圖魯勇號十一年粵匪大股竄貴州境踞定番州長寨等處逼近省垣嚴寶等攻之未下興勝隨興恕往勦屢戰皆捷克定番又偕副將周學桂進兵拔長寨其別股踞土地關者分黨撲安平以牽制官軍興勝馳救立解城圍匪首張遇恩勾結狹匪安順並撲定南汛城又隨總兵趙德昌擊退之省會解嚴三月偕嚴寶等進攻土地關與賊戰於赤土賊敗走賊首仰天燕斷後興勝追之將及以乘騎飢疲馳驟過猛一蹶而斃賊回隊關之徒步格鬪殺悍賊十餘人身

受多創血流如注猶抵死相持力竭歿於陣照總兵例優卹謚武烈

馬定國四川萬縣人咸豐六年投鮑超霆營從攻九江小池口回援黃梅營破賊孔壠大河鋪億生寺黃蠟山等處定國功多委帶霆字左營親兵復隨勦太湖之楓香驛破賊壘十餘座八年上援麻城遇賊黃土岡拔主將出圍從克麻城太湖毀雷公埠石牌逆璽進攻安徽省城賊於北門外及東西山灣連柵周亘堅不能拔定國負楯直入重柵破其數壘會巡撫李續賓軍覆三河賊由舒城潛山上竄遂從超退扼宿松之二郎河賊來犯擊破之復破賊於花涼亭進圍太湖悍酋陳玉成以大股來援超移壁小池驛賊衆圍之十年正月大戰破賊壘數十座斃賊萬餘乘勝克太湖潛山累擢至游擊晉參將從規皖南收黟縣大破賊廬村羊棧嶺命以副將用乞假回籍同治元年演匪擾四川萬縣之紅谷田定國率鄉兵禦賊戰歿詔贈總兵銜建專祠賞世職